

اللبوسة

نادر بكر

اللبوسه

نادر بكر

تصميم الغلاف : كمال المرشدي

رسوم : محمد عصام

رقم ايداع: ٢٠١٧/٢٦١٥

ترقيم دولي: 978-977-6594-11-1

دار فصله للنشر و التوزيع

العزيزيه - منيا القمح - مصر

٢١٦٧٧١

fasla.pub@gmail.com

www.fasla.org



مدير عام : عمر الحضري - مدير النشر : محمود محي الدين

جميع حقوق الطبع و النشر محفوظه

الطبعه الأولى يناير ٢١٧



جميع حقوق النشر محفوظه لدار فصله للنشر و التوزيع
إن أي تصوير أو اعادة طباعه أو نشر بشكل ورقي أو الكتروني
أو ترجمته أو تسجيله صوتيا بدون إذن كتابي مسبق من الدار
يعرض صاحبه للمسائله القانونيه

اللبوسة

نادر بكر



دار فصلة للنشر والتوزيع

قوله

لَمْ يَسْأَلْهُمُ الْوَلَدُ وَالْوَقْفَتَانِ وَصِدْقَتَيْنِ
لَلْوَلَدِ وَالْوَقْفَتَيْنِ وَابْنِ مَرْثَدٍ
لِحَدِ قَائِمٍ وَمُحَمَّدِ بْنِ إِسْحَاقَ بْنِ
كِنَانَةَ، نَحْمُ قَلْبَهُ نَحْمُكُمْ وَأَمْرٌ لَكُمْ بِطَوْلِيَّةٍ
بِابْنِ مَرْثَدٍ وَحَايَا وَحَنَاةٍ وَابْنِ مَرْثَدٍ
وَبِكُلِّ مَرْثَدٍ فِيهِ وَقْفَتَانِ
يَقَعُ -- سَلَامٌ لَكُمْ كُلُّكُمْ ---

نادر بن

إزاي تحضن باهتواء

- = انا مشكلتى مش معاك يا أحمد .. مشكلتى مع المجتمع !
- ماله المجتمع !
- = المجتمع شرقي .. بينتج رجل شرقي .. عقل شرقي .. متحجر .. متخلف .. رجعى !
- ابتدينا شغل العُقد تانى أهو !
- = انا مش معقدة .. انا عقلانية بس .. أحمد انت ليه مثلا عمرك ما طلبت تحضني ؟!
- احنا فيها .. يالا ؟! .. نهوب .. هوب !
- = هوب ايه يا حيوان انت ! .. شوفت ؟! .. رجل شرقي بعقل شرقي !
- مش انتى اللى قولتى !
- = أنا بطرح موضوع للنقاش .. مش للهوب يا أحمد .. عارف مطلبتش مني ليه ؟!
- ليه يا أينشتاينه ؟!
- = أينشتاينه ؟! .. وات ايفر .. عشان خايف من رد فعلى .. خايف من نظرتى ليك
بعدها صح ؟!
- لا خايف من أمين الشرطة اللى واقف هناك ده !
- = على فكرة يا أحمد أنا أنثي وبحس بكل حاجه .. بحس بالاحتياج .. بتمني الأمان !
- وأنا يعنى اللى دان بيلزريان ؟! .. منا عندى فراغ مشاعر برضه و بعضعض فى ودان
أرانب يعنى !
- = واجبك عليا محسسكش بالفراغ ده وفاهمة كويس !
- يعنى هنحضن فى أم اليوم ده ولا أكلم شريف مدكور ولا أعمل ايه ؟!
- = طول منتا شايف الحضن شهوة مش هتقربلى يا أحمد .. حاول تفهمني !
- هحاول أهو !
- = أسهلها لك ؟! الحضن احتواء .. الحضن شغف .. !

- أحضنى نفسي أضمك !

= الله !

- نفسي أكمل عمرى جنبك !

= هو ده !

-

= سكتت ليه !

- عنيكي نستني باقى الأغنية !

= هات حضن يا أحمد !

* بيحضنها *

- عظيم الحضن !

= اسمه احتواء !

- عظيم الاحتواء !

إزاي تفلت من الفلانتين

- = حبيبي ايه الحاجة اللى ممكن تخلينا نسيب بعض !
- تفتكرى ايه؟!
= الخيانة مثلا؟!
- هبقى غير مقنع لو قولتك الخيانة .. أنا لسه جايبك من يومين من شقة واحد صاحبي !
= أو مال ايه?!
- هممم وهبقى غير مقنع برضه لو قولتك الكذب .. لاني لما جبتك من شقه صاحبي قولتيلي انه زميلك و كنتي بتعملى معاه الواجب !!
= منا كنت بعمل الواجب فعلا !
- مفيش واجب بيتعمل فى أوضه النوم يا هبة !
= تعرف استغربتك جدا يومها?! .. مع انك عصبي وبتقول ديرتى توك وكده .. الا انك سامحتني !
- دا لاني ذكي وعندي نظرة مستقبلية .. عارفه بقى ممكن أسيبك فعلا امتي?!
= امتي?!
- لما أحس انك مش بتحسي بيا (: !
= ايه الايموشن ده?!
- بحاول أبقى ديدا فى نفسي .. المهم لازم يبقى عندك قدره على فهم الحالة اللى أنا فىها !
= طبعا !
- تبقى شايفه أحوالى ومقدراها ومتطلبيش مني حاجه ممكن تبقى حمل عليا !
= مقدرة والله !

- متشتكيش انى دايما قافل موبايلى .. منتى عارفه ان موبايلى بايظ وبيفصل كثير !
 = ببقى عاوزة أطمئن عليك !
- متشتكيش انى مش بفتح نت كثير .. انتى عارفه ان اللاب بتاعى بايظ !
 = بقلق عليك والله !
- الأحسن من كل ده ببقى انك تبقى مميزة فى حياتى .. تفاجئيني بحبك .. تفاجئيني
 باهتمامك !
- = انت عمرى ما قولتلى الكلام الحلو ده .. طلعت عاطفى أهو !
- نظرتى المستقبليه بتحكم عليا دلوقتى أقولك كده .. ولازم انتى كمان يبقى عندك
 نظرة مستقبليه !
- = من عنيا والله !
- همممم ... طلعى موبايلك كده شوفى يوم الحد الجاى هووافق ايه ؟!
- = ثوانى .. هيووافق يوم ١٤ فى الشهر !
- هممممم .. فى باين مناسبه فى اليوم ده ؟!
- = احم .. الله ده عيد الحب يا حبيبي !
- تمام نرجع لموضوعنا !
- = موضوع ايه !
- زى ما كنت بقولك لازم متبقيش حمل عليا .. ومتطلبيش منى حاجه مقدرش
 أعملها !
- = آآه .. تمام !
- ولازم تفاجئيني وتحاولى تريحيني فى حياتى !
- = آآه أوك .. ويبقى عندى نظرة مستقبليه ها ؟!!
- بالظبط .. موبايلى ده قارنى جدا هموت وأغيره .. يالا الحمد لله !!

إزای تفرکش

- = ممكن أعرف المقابلة دى ايه فايدتها؟! .. مش حضرتك فركشت معايا امبارح؟!
- دى مقابلة مراجعة طقوس الفرکشة!
= ايه طقوس الفرکشة دى؟!
- دى الحاجات اللى هتعملها عشان تتقادی مشاكل المستقبل .. ونقطع زيول
الماضى .. ونسعى لنهاية منطقيه وعادلة لجميع الأطراف!
= يعنى المقابله دى مش عشان ترجعلى؟!
- كلامك مع صحباتك عني يتلخص فى كلمة محصلش نصيب .. متقوليش كان كلب
بنات .. ذئب بشري .. حمار مشاعر .. سمكة سالمون .. دكر جاموس .. أنا ابن ناس
وجو عالم الحيوان ده ميتقالش عليا!
= لا فكك انت مش مهم أصلا!
- كلمة #مقصودة لو شوفتها متذيلة بوست تليح عندك فى يوم .. هرد عليكى
بفوتوكومنت فيها النودز بتاعتك اللى معايا على الآي كلاود وفوقها هاشتاج
#مفضوحة!
= عادى أنا الريدى بنزل الصور دى عندى!
- بعد ما نفرکش اوعى أسمع انك مشيتي مع حد من صحابي .. شباب العالم كتير
نقي منهم .. متجيش عند صاحب القرد وتشميه!
- أحمد صاحبك دقنه فشيخة!
= يرجي الابتعاد عن تامر عاشور وهانى شاکر ومحي والموص كامل .. والاكثر من
الصلاة والصوم والصبر والاحتساب!
- أحا يا شيخ!
= العلاقات معمولة عشان نتعلم منها .. ومحدش بيتعلم ببلاش .. والدمعة صعبه

- بس برضه الضحكة أصعب وأنا لما بضحك صدقوني بجد بتعب !
- العصير ده أحلى من كلامك كله والله !
- = الحزن فى القلب .. والكئيب فى وسط الشلة مكروه .. فحاولى لما تخرجى مع صحباتك تفرغى وتمتقلىش اليوم بسبب عياطك المستمر على ذكريات قدره أصلا !
- ولا بيفرق عندى الكلام ده !
- = وبعد كل حاجه احنا هنفضل صحاب !
- بيس !
- = ومفيش بين الصحاب ايه ؟!
- غيره وعتاب !
- = لا دفع حساب !
- نعم !
- = حاسبي بقى على عصيرك اللذيذ ده وسيبي ٢ جنيه تبس للويتز الغلبان ده !
- طب تصدق بقى انك وسخ !
- = هاهاهاهاه .. !
- حسبي الله ونعم الوكيل فيك !
- = هاهاهاهاها !

إزاي تفلت من النكد

- = إنت لازم تحسسنى بإهتمام شوية .. لازم أحس بوجودك فى حياتي .. إنت مش موجود .. إنت شبح
- الله يكرمك .. وإنتي علوضعك والله !
- = إنت شبح فى حياتي
- وإنتي علوضعك فى حياتي برضه
- = بطل تتفه من مواضيعي
- حاضر
- = أنا تعبت
- وأنا والله
- = تعبت مني؟!!
- نشوف مين فينا المتعب؟!!
- = نشوف
- عمرى طلبت منك تهتمي بيا؟!!
- = لأ .. عشان أنا مش بـ..
- عمرى طلبت منك نخرج؟!!
- = لأ .. عشان أنا مش بـ..
- أفتش فى موبايلك؟!!
- = لأ .. بس المفرد..
- قفلتلك يومك قبل ما بيدأ؟!!
- = لأ .. بس عشـ..
- عمرى طلبت منك شيكولاته؟!!

- = لأ .. عشان أنا ..
- دباذيب ؟
- = لأ .. عشان أ..
- باسووردك !؟
- = لأ
- فضلت أحايلك ؟
- = لأ
- ميردش .. أقوله حبيبي ؟
- = ميردش
- اقوله يا سيدى !؟
- = ميردش
- طب منتي كويسه أهو .. بطلى تظاهر بالنقص بقى
- = بس ...
- يالا هكمل نوم بقى .. وقومى انتى العبي مع الأسد شوية ولا إعملى حواجبك
بالملقاط وسلى نفسك
- = استنى ه..
- وأرجع أحايله ؟
- = ميردش
- أقوله حبيبي ؟
- = ميردش
- اقوله يا سيدى !؟
- = ميردش
- هاهاها يالا تصبحي على خير بقى .. سلام سلام !

مناسبات عائليه سعيدة

- = دى إيه يا مي؟!
- دى دعوة فرح ميار صاحبتي
= مي دى تاسع دعوة فرح تجيبهالى فى أسبوع
- دول ماى بيست فريندس يا أحمد .. عاوزني محضرش فرحهم؟!
= طب متحضريهم لوحدهك يا مي أنا مش مأذون الأزبكية!
- إنت خطيبي ومينفعش أروح أى مكان من غيرك!
= وأعياد الميلاد اللى كل ٤ ساعات?!
- مينفعش أروح من غيرك برضه!
= مي أنا مدير شغلى مشافينش بقاله اسبوعين .. و تقريبا نسي إني موظف عنده
- دى حاجات غصب عننا .. عشان وقت فرحنا كل الناس تجيلنا برضه
= أمرى لله
- هنعدى على Gift shop وإحنا رايجين!
= ما كفايه جيفتات يا مي .. أنا بقيت بمون عربيتي سولار عشان أوفر تمن الهدايا
بتاع أفراح وأعياد ميلاد صحباتك .. بعامل موتور عربيتي معاملة ميكروباص
ترامسيكو..
- يعني نخش بإيدنا فاضيه?!
= نبقى نخبي إيدينا وإحنا داخلين يا مي..
- مينفعش شكلى قدام ميار
= وأنا شكلى قدام الناس وأنا بشرب كليوباترا عشان أوفر .. مبعبش عليكى?!
- فك الحزام شوية..
= لو فكيتته عن كده هقف بالبوكسر يا مي!..

- أحمد بطل سخافة ..

= أمرى لله

- سبوع ماهيتاب بنت أميرة صاحبتى بكره إعمل حسابك

= وأنا هعمل إيه لماهيتاب؟!!

- عاوزين نجيبها تاب ونحط عليه جيمز كده تخبط فيه ..!

= هى عشان ماهيتاب هجيبها تاب؟! .. ما كانوا سموها وردة وخلص!! .. حرام

يا مى أنا شايل العده النوكيا بتاع أبويا ومستخبي منه بقالى شهرين ..!

- هممم .. فى حاجه أنا نسيها

= يارب الزهايمر بقى وريحني ..!

- طهور سيف إبن سوزى يوم الجمعة؟!!

= وده هجييله إيه إن شاء الله؟!!

-

= أه أوك .. أى صيدليه وهتصرف ..!

- ال Mariage Anneversary بتاع بسنت يوم السبت!

= طب ثوانى بقى أكتب .. بسنت السبت!

- ال Monthly Party عند هايدى فى فيلتها يوم الأحد!

= هايدى الحد!

- آيه رايحه للدكتور الاتنين .. هؤوح معاها عشان ال Mental state بتاعتها تبقى

كويسه!

=

- عقيقة أشرف إبن سهير التلات!

= ...

- الأربع نطلع السخنة?!!

=

- الخميس .. الخميس .. أحمد إنت رحى فى؟! أحمد?!!

> الأستاذ اللى كان هنا ساب لحضرتك الدبلة دى ونط فى النيل يا هانم .. ده تامن >

واحد ينتحر قدامى الأسبوع ده ربنا ينتقم منكوا!!

ازای تطفشي عريس سالونات

- = عارف ماما وبابا خدوا ماماك وباباك وخرجوا ليه ؟
- عشان يسيبونا براحتنا نتكلم ونعرف بعض
= باين عليك شاب كويس وعصامي .. دى أول مرة تيجي تخطب مش كده ؟
- باين عليا ؟
= طبعا .. بدلة بكرافت عريض مخطط .. وفارق شعرك .. كنت فى الخليج ها ؟
- السعودية ٨ سنين
= واضح من طريقه كلامك انك عمرك ما عرفت بنت .. عمرك ما صاحبت .. عمرك ما كنت ذا أونلى وان بالنسبه لأى بنت .. ولا حتى الباك بون بتاع أو واحده
- لا أنا كنت بوفر جدا هناك ومبشتريش الرفايح دى !
= طب عموما أنا موافقه عليك .. وموافقه ناخذ خطوة الخطوبة دى .. بس لازم تبقى عارف توابعها
- أنا كمان موافق .. حاسس براحة ناحيتك كده
= شايفني جميله ها ؟!
- الجمال جمال الروح
= لا الجمال كمال الأيلينز والروجاجو والمسكرة وكريم الأساس وبودرة التفتيح والروج الفراولة .. خد بالك أنا شفايفي مشققه زى كعب رجلى
- ولا يهملك .. أنا ببص على الانسانه من جواها
= لازم كمان تعرف إننا كائنات سطحيين وبنبص دايما على الحاجه من بره .. فهحتاج منك هدايا كتير فى مناسبات عديدة .. عيد ميلادى شم النسيم عيد تحرير سينا ..
حشيش ليله الوقفه عليك
- حشيش ؟!

= نعم فأنا أتعاطى المخدرات والمسكنات ولا أصلح للعلاقات الغرامية وبداخلى جن
أيضا .. كفى على الفيس بوك !!

- يا ساتر يا رب

= اجنا كائنات إجتماعيه .. فلازم تعرف ان ليا صحاب ولاد كتير .. وكل واحد منهم
ليه البوزيشن بتاعه فى حياتى .. إنت رجل شرقى واحتمال متقبلش بحاجه زى دى .
بس هتقبلها

- اشمعني

= هوو ايه اللى اشمعني .. يا عم ما تاخذ موقف !!

- خلاص طالما فى إطار الصداقة مفيش مشكلة !

= إطار صداقة؟! .. تعرف أنا عندى كام سنة؟!!

- ٢١؟!!

= بالضبط .. وأكد مش هفضل طول الفتره دى عايشه أحادية الجنس .. بدون خليل
.. بدون ما أرتبط وأحب وأسهر وأخرج .. أنا مش مكنة !.

- لا مكنة والله !

= قصدى مش آله يعني .. عندى مشاعر وعندى أحاسيس .. وعندى حبيب مضطرة
أسيبه عشان أقعد مع واحد زيك عمرى ما شوفته وأنقبل بيه كزوج .. عشان أترحم
من كلمة هنفرح بيكي إمتي

- حاضر حاضر .. براحه بس !

= براحه ايه .. عمالة أقطع فى نفسى .. وأجيبك ديفوهات من كل حته .. لجل ما
تحس على دمك .. لكن هقول ايه .. جبلة !.

- خلاص والله فى ايه .. انتي اتحولتى ليه كده !

= تطلع بره .. تاخذ أمك وأبوك وتمشي .. ومتجيش هنا تانى !

- حاضر

= عارف هتقولهم ايه؟!!

- ايه؟!!

= تقولهم دى بتتعاطى المسكنات والمخدرات وبداخلها جن أيضا !

- حاضر
= يالا قوم إعدل هدمك كده واخرج ..
- أهو ..
= بداخلها ايه !?
- جن ايضا !
= يالا اتكل !!..

جرعه نكري اليومية

- بقولك ايه يا حبيبي ؟
- أوْمِرِينِي
- احنا متخانقناش من امتي ؟
- يعني الحمد لله .. بقالنا اسبوع
- عارف ليه ؟
- يعني .. عشان الخناق ده بقى حاجه مقززة ومقرفه .. وصداع ووجع قلب ..
- واحنا تعبنا والله تعبنا ..
- لأ .. عشان انا مبقتش فى دماغك
- لأ محصلش
- أنا مطلعته موبايلى بقالى ساعه وانا قاعده معاك .. وانت سامع صوت المسجات
- الى بتجيلي .. فكرت تسألنى بكلم مين ؟
- مش عاوز أضيع عليكى بس عشان متضايقيش
- لا عشان انا مش فارقه معاك ومش مهتم تعرف اذا كنت بخونك أو لأ
- يا بنتي متكفرنيش بقى إديني فرصه طيب
- انت عارف الفرصه بالنسبالك ايه ؟
- بنت جمليه راكبه عجله ببدال ؟
- أقولك مين العجله دى ومنتزعلش ؟
- لاحظي انى ممكن أرد إهانتك وأشبشلك
- وريني
- متستفزيش رجولتي
- اتخانق

-- بطلى السدينه دى يا بنتي
- فجرني يا جدع
-- يا دين أمي
- سايبني جعانه خناق بقالك أسبوع يا عره
-- يا بنت العالم المتخلفه
- ارمي الكبايه دى فى وشي .. قولى متكلمنيش تانى .. اقفل موبايلك .. ابعده عني
وسيبني أدور عليك زى الكلبه
-- يا وسخه
- كمان
-- يا بنت دين النكد
- الله
-- مش عاوز أعرفك تانى
- دكرى والله
-- سلام
- متنساش تقفل موبايلك بقى .. فى حفظ الله يا ملبي رغباتي .. هيج .. بيحبني !

ازای تقطعي زیول الماضي

- أحمد إنت بتحبني بجد؟!
-- طبعا يا مني .. دحنا مع بعض من ٧ سنين .. هو إنتي لسه بتسألني إنتي بالنسبالي
إبييهيه؟!
- مستعد تثبتلي حبك؟!
-- مستعد
- تقدر تديلي موبايلك أفتش فيه براحتي؟
-- أول مرة تطلبي الطلب ده .. أنا عمري ما عملت حاجه تستدعي إنك تشكي فيا
- أعذرنني .. أنا بنت .. من حقي أطمئن على مستقبلي .. من حقي أطمئن من ناحيتك
.. البنت يا أحمد مش محتاجه أكثر من إنها تحس إنها مطمئنه .. اللي بيحبها يحتويها
.. يبقى حضن حنين عليها
-- هاتي حضن يا مني
- أحمد بص حوليك كده .. إحنا فين؟
-- في كافيه
- الكافيه ده موجود فين
-- في المعادي
- المعادي فين؟
-- في مص.. أه أه آسف معلش نسيت
- هات موبايلك
-- عاوزك تعرفي إني عمري فعلا ما خونتك ولا فكرت في غيرك .. بحبك حب طاهر .
. حب نقى .. حب ممكن في العمر تلاقيه .. حب .. حب ال..
- أحمد هات موبايلك وبطل هرتله

-- حاضر .. إتفضلى

- قولى الباسوورد

-- يوم عيد ميلادك .. خشي يا منى على أى حاجه .. خشي على المسجات .. خشي على

الجاليرى .. خشي على الواتس .. فتشي .. دورى .. قلبى فى أى حاجه عاوزاها

- بقلب أهو إهدى بقى

-- مفيش صور بنت دخلت موبايلى غير صورك .. مفيش شات مع بنت غيرك .. أنا

مخلص .. أنا نقى .. أنا طاهر

- سيبني أركز بقى

-- خدى وقتك والله .. شايفك عماله تضحكي .. بتضحكي عشان فعلا اكتشفى إني

نقى وطاهر

- إنت فعلا نقى وطاهر وطيب جدا يا أحمد

-- بحبك والله

- ٧ سنين يا أحمد وانا مبسمعش منك غير الكلام الحو

-- عشان بحبك

- انا عارفه إنك شرير وسادى وشرس مع كل الناس .. جواك شخص تانى غمرى ما

شوفته وعمرك ما عاملتني بوشك التانى

-- عشان بحبك والله

- بس الكلام الحلو بيأكلش عيش .. ولا بيحيب نيش يا أحمد

-- شوية بس ويمكن أورت ولا ألقى شنطه فلوس ولا أكسب مسابقه الحلم والحال

يتعدل

- أنا إتقدملى شخص حاله معدول .. ومبيسمعش آه لو لعبت يا زهر

-- رفضتیه عشان بتحبيني

- قبلته عشان أخلص .. هرموناتى باظت يا أحمد وتضاربت .. مقدرش أستني أكثر

من كده

-- إنتي بتقولى ايه

- دى آخر مره هنتقابل فيها يا أحمد

-- مني إنتي مشوفتيش وشي التانى .. أنا مش هسيبك .. أنا قذر .. صورك وشا
- الصور والشات والرقم وكل دليل إدانه عليا مسحتهم دلوقتي من موبايلك يا أحمد
.. متحاسبش على المشاريب أنا حاسبت خلاص .. ولو عاوز تاخذ حاجه تانيه على
حسابي برضه متقلقش
-- لا منا خدت خلاص .. كفايه كده .. اتفضلى انتي .. اتفضلى يا وسخه .. أتفضلى !

عزومات رمضان

- تعالى إحنا نقعد في البلكونه يا أستاذ ماجد وسيب الهوانم ينفذوا السفره !
-- اتفضل !
- فرصه عزيزه جدا والله .. نورتونا إنت والمدام شوهايله .. شوهايدا؟! .. شنوو
هاذااع؟!
-- لا لا اسمها سوهندا !
- مدام سوهندا .. شرفتونا والله !.. المدام بتاعتك صاحبة المدام بتاعتي من زمان
جدا على فكره !
-- سوهندا حكنتلى .. بس تسلم إيد مدام زيزى والله الأكل تحفه !
- ياريت والله يا أستاذ ماجد .. دا كله أكل دليفرى .. المدام بتتابع ٥٤ مسلسل فمش
فاضيه تطبخ !
-- نفس الوضع والله .. سوهندا برضه مبتطبخش
- طب إنت إسمها سوهندا .. فطبيعي يعني .. هتلاقيها كان عندهم طباخ تركي
أسمه نعمان أتاتورك ولا حاجه .. إنما أنا إسمها زينب ميتين كده يعني
-- مش زيزى؟!
- لا زيزى ايه يا عم وكلام فارغ .. دا اسم وهمي عشان تهرب من واقعها !
-- في صوت حاجه وقعت في المطبخ
- هتلاقي زينب كسرتلها طبقين تلاته وهى بتغسلهم .. حتي الغسيل فاشله فيه يا
أستاذ ماجد تخيل؟!
- يالا قول الحمد لله .. لازم تشرفونا يوم ان شاء الله
- والله مش عارف .. الجدول مع زينب .. بس أكيد هى عامله حساب عزومتكوا في
يوم يعني

-- ياريت والله

- والله زهقت يا أستاذ ماجد .. كل يوم يا إما معزومين وزحمة وحر وفرهده وأطفال
سازجة تقعد على حجرى وتحطني في موقف وحش .. يا إما عازمين وأكل دليفري
وتحليه وفلوس وقعدات رسمية مقرفه زى اللى قاعدها دى

-- احم

- أعذرني يعني احنا مش صحاب عشان أقعد أضطر أقعد معاك وأدردش وأقولك
كلام ترحيبي مليون رياء ونفاق يا أستاذ ماجد !

-- خد راحتك يا عم

- عارف طبق البشاميل اللى كنت بتضرب فيه بدون هواده ولا رحمه ده بكام يا
وسخ ؟!

-- ما تهدي يا أستاذ وائل

- مضايق جدا والله .. عارف انا حسبتها لقيت إني هعمل ١٥ عزومه فى الشهر بمعدل
٥٠٠ جنيه فى كل عزومه يعني داخل على ٧٥٠٠ جنيه عزومات بس

-- شهر كريم بقى

- عزومات كلها ناس زى حالاتك معرفهمش .. بأكلك لمجرد انك جوز صاحبته ..
دا غير عزومات أهلها وإبن خالتها اللى راجع من الكويت ياكل عندى مخصوص .

. حرام أقسم بالله

-- مش كده يعني

- عارف طبق البشاميل اللى كنت بتاكل منه بدون هواده ولا رحمه ده ؟!

-- هتشتم تانى ؟!

- لا مش هتشم .. ده كان مليون سم !

-- بس بقى

- أقسم بالله .. ملاحظتش إني أصريت إن مدام سوهندا تاكل منه ؟!

.... --

- طب ملاحظتش إني لما قمت وقعدت أزغط زينب ولحستها باقى الطبق لحد ما
مسحته بلسانها وفكرتني بعمل لقطه رومانسيه ؟!

-- إقلع القناع اللى إنت لابسه ده وكفايه هزار يا رامز يا جلال بقى هاهاه
- هزار ايه يا غبي .. طب إزاي ملاحظتش إنه مكلتش منه ولا دوقته؟!
-- والله هتطلع رامز جلال فى الآخر .. بس بقى .. يا ولد اهاهاها
- يا أستاذ ماجد بطل غباء .. بقى .. طب مش ملاحظ إنهم بقالهم ساعه فى المطبخ
وإتأخروا جدا؟!
-- يا سوهندااا
- مش هترد عليك .. مدام سوهندا واقعه فى المطبخ جنب مراقي ميته .. فاكر صوت
الخبط اللى فى المطبخ؟!
-- بطني
- طب قول لا اله الا الله!
-- بطني .. بطني بتقطع يا أستاذ وائل!
- إتأكدت إني مش رامز جلال يا غبي؟!
* يقع أستاذ ماجد على الأرض *

ما بعد الجواز

- = أحمد؟!
- نعم
= ما تقوم تتكلم معايا شويه
- نتكلم في إيه؟
= أي حاجه يا أحمد أنا زهقت.. احنا متجوزين بقالنا ٣ شهور ومفيش جديد في حياتنا
- أيوه نعمل ايه؟!
= ما تفتح مواضيع يا أحمد.. ولا خلاص زهقت مني ومبقتش طايقني
- انا مش عارف افتح مواضيع.. أنا مش عاوز!
= ليه?!
- مني إحنا اتخطبنا قد ايه?!
= ٧ سنين
- يعني كل حاجه عملناها يا مني.. اي مواضيع ممكن نتخيلها اتفتحت واتهرت واتكلمنا فيها.. اي مكان روحناه.. اي اسباب خناق ونكد حصلت بينا.. الحياه ممله يا مني.. نامي نامي
= طب كلمني عن نفسك مثلا
- يا مني اكلمك عن نفسي ايه ده انتي لسه غاسلاي بوكسراتي.. احنا في مرحله جديده دلوقتي اتعودي عليها بقي
= يعني ايه
- يعني مرحله الخروجات دي هتقل تدريجيا.. هنخرج يوم اسبوعيا.. وهيختفي تدريجيا برضه.. مرحله كلام الموبايلات انتهت وهتبقي كل مكالمتنا خلصتي الاكل?!
.. هات بامبرز.. انا راحه لماما والاكل علي البوتوجاز

- = مفيش حب؟!
- الحب هيبقي لحظيا برضه لما تعملي اكله جميله أو تقولي لي انك موفره ١٠ جنيه مثلا من المصروف .. او متطلبيش هديه عيد جوازنا وعيد ميلادك
- = مفيش شغف؟!
- شغف ايه يا مني انتي بالبيبي دول وانا نايم اهو عادي جدا .. هتشغف علي ايه يعني؟!
- = للدرجادي انا رخيصه?!
- رخيصه ايه يا مني انتي مراتي
- = طلقني
- الله يحرقك
- = طلقني بقولك
- يا رب ارحمني
- = خلاص انزل اشتغل
- اشتغل ايه.. انا اترفدت خلاص.. مقعداني جنبك ٣ شهور غسل ورحلات ومصايف وأوردرات دليفري.. خلاص راح الشغل ما في شغل
- = طب هنزل بكره مع صحابي وعاوزه فلوس
- ما في فلوس خلاص راحت.. فلوس ايه بعد ما جبتهك فستان .. وعملتك ميكاب 3D راح بعد اول شاور .. فلوس ايه بعد ما ابوكي لهف نص شقي عمري في مهر..
- فلوس ايه بعد ما جبتهك شقه تمليك .. فلوس ايه يا وسخه?!
- = احمد؟
- احمد ايه بس.. انا هنام
- = طب خلاص متزعلش
- ماشي هنام بقي
- = يا احمد قوم افتح مواضيع ولا خلاص زهقت مني ومبقتش ت..
- انتي طالق
- = احمد؟!
- بالتلاته.. قومي اطلعي بره.. بره.. !!

إزاي تقتلى جوزك

- = مشكلتك إيه يا مدام إتفضلي
- حضرتك صاحب المكتب ؟
= لا انا محامي صغير لسه.. قضية حضرتك إيه
- جوزي .. حياة صعبة وعيشه كثيية ومشاكل نفسية
= هممم خلع برضه .. تعرفي يا هانم دي قضية الخلع رقم كام اللي تجيلي في فتره
قصيرة ؟!
- ميهمنيش
= رقم ١٥٦ يا هانم.. محدش بقي طابق الجواز .. المشاكل بتكتر والحياة الروتينية
مسيطرة علينا
- أنا زهقت من الحياه كلها
= شكوك ؟! .. بيشك فيكي وبيراقبك و معاه باسورداتك ؟!
- أيوة
= غشيم وبيضربك ؟!
- كثير
= بيلسعك زغاريف علي أفاكي ؟!
- متحترم نفسك
= هو تستاهلي عموما بس كل ده هيفيدنا في القضية .. اممم .. شره جنسيا ؟!
- خرة
= حلو.. حلوو اووي.. مفيد برضه الموضوع ده في القضية.. طيب لسة إيه ؟! .. غني
؟!
- إيحة ومعفن وبكرش

= أصلع؟!

- أيوه أصلع

= أصلع من محمد صلاح يعني؟! اهاهاها

... -

= اممم مضحكيتيش.. فهمتي الافيه؟! أصلع؟! محمد صلاح؟! روما؟! أسرع منه

يعني؟!

- لا لا وحش

= آسف .. طب بيخونك؟!

- أه كثير

= تعرفي الستات الي بيخونك معاهم دول؟!

- أيوة

= هما زيرو عشره؟! متجيبى رقمهم .. !

.... -

= والنبى!..

- تؤ وبعدين بقي

= عشان ندرجهم في دوسية القضية بس .. عموما قضيتك سهلة متقلقيش.. عندكوا

أولاد؟!

- لا لسه متجوزين من أسبوع

= أسبوع!!?

- زهقت والله حاجة قرف يعني.. مكنت عايشه لوحدي والغزالة رايقة والحياه

جامدة فشخولا

= فشخولا!!?

- أه وأقولك؟! الجواز ده حاجة مقرفه مولا

= مولا؟!

- خد الشنطة دي إمسك .. خلصلي القضية دي بقي

= شنطة إيه يا هانم.. ولا فلوس الدنيا تخلعك.. مستحيل يعني نكسب القضية دي

متحاوليش

- يا عم خلع إيه .. مش عاوزه أتخلع أنا.. دي راسه اللي في الشنطة .. دي قضيه قتل

... =

- طلع راسه كده.. شايف الصلعه!؟

= يا دين مامتي .. دي راسه بجد . !

- أصلع من محمد صلاح ها !!؟

إزاي تشكسي حنطيبك

- = احنا معادنا كان الساعه كام؟!
- ستة يا حبيتي
= الساعة في إيدك كام?!
- ستة ونص
= كنت بتخوني مع مين النص ساعه دي?!
- مسافة الطريق والله كان زحمة
= همممم.. طب تعالي اما أقولك
- نعم?!
= ريحة إيه اللي تحت باطك دي?!
- مفيش ريحة
= أيوة ليه?! مين جابتلك مزيل عرق يا كلب?!
- أنا اللي جبنه والله
= همممم.. إرفعلي راسك لفوق كده
- في إيه بس الناس بتتفرج
= همممم.. الشعرايه اللي كانت في مناخيرك دي مين شالهالك?!
- أيمن الحلاق
= إنت بتشذ?!
- أشذ إيه بس ده شغله يا حبيتي
= همممم.. وريني الكول لوج بتاعك
- موبايلي فاصل
= فصلته عشان مقفشكش?! .. ودين امي ما هسيبك

- ارحميني بقي والنبي
- = إرفعلي التيشرت ده اكشفلي ظهرك
- أبوس إيدك
- = إنجز يالا
- أهو
- = ايه الخرابيش دي؟! يا لهوي انت في واحدة بتتسدين عليك؟!
- دي لسعه قنديل بحر .. مش أنا كنت في راس البر؟!
- = هممم ماشي هعديها.. لو واحده وقفك في الشارع وسألتك علي حاجة هتعمل ايه؟!
- مش هرد وهتف عليها بلغم وامشي واسيبيها
- = لو واحده عملتك لاف علي صورتك هتعمل ايه؟!
- هعملها بلوك وأبعث برينت لكل الفريندس بتوعها عشان تتعظ
- = لو سألتك انت مصري تقولي ايه؟!
- يا دين أمي
- = عشرين في خمسه بكام؟!
- بمية وعشرين.. لا لا بمية
- = ذهنك مش صافي.. مين مشتتاك يا خاين يا وسخ؟!
- والله ما في غيرك
- = عيد ميلادي امتي؟!
- ٨/٥
- = حياتك أحلي ما فيها إيه؟!
- إني بعيش من غير ما أحس بحاجة متهمنيش
- = ولا؟! متعمليش فيها أصالة.. حياتك أجمل ما فيها إيه؟!
- إنتي
- = أنا نكدية؟!
- أبدا

= أنا زنانة؟!

- لا

= أنا فضولية؟!

- لا والله

= هممم أثبت ولاءك .. تشرب إيه يا حبيبي أنا عزمك؟!

إزاي تعملى دايت

= منورة يا آنسة.. خير؟!

- محتاجه أحس شوية يا دكتور.. وعاوزه حضرتك تعملى نظام ريجيم كويس!

= تخسي من مناطق معينه ولا إجمالاً؟!

- إجمالاً!

= مش شايقة إن مفيش داعي لإنك تخسي؟

- إزاي؟!

= يعني إحنا عموماً في بلد عشوائية في كل أنظمة حياتهم.. ومحدث هيهتم إنك

كنتي ٨٠ كيلو وبقيتي ٧٠ وده عموماً مش هيحصل عشان مكذبش عليك!

- مش هيحصل ليه؟!

= الأكل حلو وطعمه لذيذ وإحنا كلنا بنقدسه.. وتقريباً إحنا أغلبنا بياكل كميات

متشابهه الاختلاف بيرجع لجسمنا بهرموناته وأحماضه وتأيضه وحرقة للأكل

فاهمة؟!

- لأ!

= ما انتي أكيد مش هتفهمي.. لانك لو بتفهمي أصلاً مكنتيش هتيجي لدكتور

مبتدل زي حالاتي يكتبلك روسته مكتوب فيها تاكلي إيه وامتي.. وتقريباً كاتب نفس

الكلام ل٩٩ في امليه من الناس وبييجوا برضه عادي!

- ما هو حضرتك دكتور ريجيم!

= يعني ايه دكتور ريجيم؟! خريج طب مطابخ؟! بطلي سذاجه وسطحيه بقي..

تقدرى تقوليلى هتخسي إزاي وإحنا وصلنا لدرجه إن في تريند علي السوشيال ميديا

اسمه #pizza_cake ؟! .. وكل صحابك بيشيروا صور شوكليت كيك و أكل ويكتبوا

فوقه العشق؟!

- ايه الخرفشه اللي تحت المكتب دي؟!
 = القطة بتاعتي جايها تغير جو في العياده.. يا هانم لو جيتي تنامي علي مخده
 ولقتيها ناشفه هتعملي ايه؟!
 - هنجدها!
 = حضرتك دلوقتي متنجده.. صاحبك لازم يحس بفرق الحضن بتاعك وبتاع زميله..
 لازم يلاقي لحم يفحص فيه يا هانم افهمي!!
 - بس أنا صاحبي مبيحضنيش!
 = عادي يا هانم لسه مراحل الريليشن جايه.. الحضن مرحله Advanced ومعقده
 بس ليها وقتها!
 - ولو كلت براحتي وتختت أكثر عادي؟!
 = عادي طول ما سرتك مبتبانش من البادي.. لو وسعت وبدأت تبان.. توقفي الأكل
 فوراً ومترجيش الشارع لحد ما تخسي و ترجع طبيعته عشان متفرغاش.. غير كده
 شكليات .. التخصيس مش محتاج دكتور يا هانم !
 - هو حضرتك بتقولي كده ليه؟!
 = عشان أنا مراتي كانت زيك كده وأحلى .. وفجأه عملت ريجيم.. وإتحولت لسيجارة
 كليوباترا معفنه.. مبقتش عارف صدرها من بطنها.. أنا بقيت مور سكسي زان هير
 يا آنسه والله !
 - يا خبر !
 = ياريت كده وبس.. دي كمان ضيعت مرتب شهرين من شغلي وعرقني علي زيارات
 وإعادات وروشات أكل ووساخه عند دكتور قذر.. لحد ما اكتشفت الموضوع وقررت
 أروحله عيادته وأنتقم منه !

 = أيوه أيوه.. هو ابن ميتين الكلب اللي متكتف ويخرفش تحت المكتب ده!!

ازای تخلع من القفشان

- = هو انا مش بتصل بيك؟! مبتردش ليه؟!
- كنت بنضف الشقة
= شقه إيه .. بتنضف الشقه بقالك يومين؟!
- منا هقولك أصل محدش هنا خالص .. عارفه أحمد صاحبي؟! الطويل ده القمحاوي
اللي ودنه بتطرطاً لما بيحلق؟!
= هي أوريدي مطرطاه من غير حلاقه
- المهم يعني.. كان سهران معايا وبهدلنا الشقة بقي بقايا بيتزا وكراتين وسلوفان
الكريات ده وأزايذ بييس فاضية وكرتلات وأعقاب سجائر
= عادي تنضف في ساعه
- منا عارف.. وصحيت عادي وكنت بنضفها عارفه الأطباق الصيني اللي عندنا؟! اللي
مرسوم عليها عروسه دي
= أه
- كانت متنطوره برضه في الصالة ووسخه وعليها بقايا أكل .. والسيراميك كان ملزق
و وعليه آثار جزم
= عادي تنضف في ساعتين
- منا عارف.. أنا جبت كيس زباله أسمر كبير.. لميت فيه الزباله والكراتين والحاجات
دي
= حلو
- ولميت الأطباق الصيني كلها فوق بعض كده وعملتهم صف طويل وحتيتهم علي
السفرة
= عظيم

- وشلت بقي السجاجيد وجبت ديتول ومسحت السيراميك
= رجل بيت
- أنا بطبعي بحب التحدي صح؟! صح .. قولت ايه بقي هوفر وقت.. وهشيل كيس
الزبالة في إيد والأطباق الصيني في إيد و أدخلهم المطبخ مع بعض
= ها
- وأنا ماشي كده براحه كان في شوية ديتول علي الأرض إتزلقت فيهم
= هوبااا
- إسلو موشن.. الأطباق طايهه في الهوا .. حدقة عيني بتوسع وهي بتبص علي
الأطباق .. وبفتح بقي ببطئ
= إلحق
- مديت إيدي اليمين ولحقت أول طبق
= رائع
- إيدي الشمال فيها كيس الزبالة رميته ولحقت تاني طبق
= فانتاستك
- حركة شلقباظ علي الأرض ورفعت رجلي الشمال لفوق لحقت تالت طبق
= شمبانزي
- رجلي اليمين شلقباظ برضه ولحقت رابع طبق
= بهلواني
- خامس طبق مش لاقيله عضو يلحقه .. قولت أطول أطول حاجة عندي بسرعه .
. لساني..!
= هااا
- مديت لساني كده علي السيراميك والطبق قام واقع عليه لحقته آه متكسرش .. بس
لساني إتجرح جرح قطعي .. خدت ٣ غرز
= بجد
- آه والله.. بس بقي فمكنتش عارف أتكلم وأرد عليكي بقالي يومين.. شوفتي؟!
= يا ديني.. دنا نسيت السؤال .. طب ومين اللي كنت خارج معاها الصبح دي!؟

- عارفه أحمد صاحبي؟! الطويل ده القمحاوي اللي ودنه بتطرطاً لما بيحلق؟!
= خلاص خلاص خلاص .. خلاص مش عاوزه أعرف
- قشطة.. عامله إيه بقي؟

ازای تنکري

- = انتي بتنکدي عليا ليه؟!
- عشان بحبك
= ايه الحب في كده يعني?!
- يا حبيبي فوايد النكد كثير والله.. انت بس اللي عصبي.. متخيل حياه بدون نكد?!
بدون زعيق وشتمه وتهزيق وقفل سكة وبلوكات?! يا ديني علي المملل
= ملل?!
- ايوة ملل.. هو لما كل كلامنا يبقي وحشتني وبحبك.. الست مننا هيبيقي ليها أثر
في حياه الراجل بعد كده?
= يا بنتي انا شاب صغير لسه علي الحاجات دي.. انا ودي بدأت تعمل أصوات
غريبه من كتر العصبيه حرام يعني..
- أهني دي حاجه تخليك دايمًا فاكربي وفي بالك
= انتي متخلفه?!
- أه
= متخلفه?!
- أه
= حا
- كل ما تحس بوجع في ودنك.. وصداع.. وضغط هتفتكرني
= منا هسبلك
- وات ايفر.. المهم اني حققت التارجت واستحوذت علي جزء كبير من تفكيرك..
قولي.. هتعرف تفكر تخوني وانت تعبان كده وقرقان?!
= لا.. معظم تفكيري هيبيقي في ازاي اخلص منك

- هتحاول حتي تعرف واحدة تانيه بعد اللي عملته فيك؟!
= لا كرهت أي حاجة مؤنثه .. شايفه الجزمه دي؟!
- أه

= ودين والدتي ما هلبسها تاني .. هجيب كوتش مذكر بئس جميل
- وده برضه تحقيق للتارجت .. كده مش هيجيلك خلق تعرف واحده غيري
= منك لله

- وفي نفس الوقت مش هتقدر تعيش وحيد كده لقيط .. لازم أنثي في حياتك ..
اللي هو أنا يعني
= هتحدي نفسي وأعرف غيرك

- مش هتستحمل لسه ملل بدايه العلاقات .. انت كسول يعني وبتزهق بسرعه منا
عارفاك .. مفيش قدامك حل غيري
= هي تلبيسه يا بنتي!؟

- متفهمهاش كده.. الغايه تبرر الوسيلة .. لازم أخش أفلي لايكاتك لايك لايك.. أفلي
اللوفات علي صورتك لاف لاف.. وأدخل أكونت كل ممحونه عاملا لك لف وأشوفك
عاملها لافات انت كمان ولا لأ

= وليه تضيعي كل الميجات دي يعني وتخلصي باقتك!؟
- ده إدماني يا حبيبي .. لازم أشمشم كل يوم علي حاجة أنكد عليك بيها وإلا هتروح
مني

= هروح فعلا .. هروح خالص
- بس متنساش لحظاتنا السعيده سوا
= هي اللحظات دي اللي مصبرانيي عليكي
- ساعات الصفا.. واوقات الوفا .. وسراير الدفا .. واللعب في القفا
= قفا!؟!

- سوري هي جت كده مع القافيه .. بفكرك بالجانب الوردني من حياتنا
= أموت في الوردني
- يا ولا

= فاكره الوردي؟! .. والبمبي?!?

- اختشي

= بحبك

- لا بحبك إيه .. مين سارة اللي عاملها لايك دي يا وسخ؟! ها؟! مش ماليه عينك

انا صح?!?

ازای تخون براهتك

- = إنت بتخوني مع صحباتي؟!
- لو سمحتي.. مسمهاش خيانة.. إسمها البحث عن التكامل في موروثيه الأنا
= الإيه؟!
- الأنا.. فاكرة أول ما إتعرفنا لما قولتلك وريني صورة ليكي مع صحباتك?!
= آه ليه?!
- لإني ذكر شرقي.. فكرة الإكتفاء الذاتي بواحد بس مش دارجة أوي في قاموس
حياتي.. بصي أنا كاره لفكرة إني شرقي.. بس ده الواقع وبتعامل مهاه
= طب منا أنثي شرقية.. أخونك مع صحابك?!
- لا انتي فاهمه غلط.. الأنثي الشرقية دي مهمشة ومستعبدة.. يعني أتجوز عليكي
أربعة وانتي تقعدي كده تستني يومك
= شيت
- آه.. فأنا كنت ببص لقدام شوية.. قولت منا كده كده هبحث عن التكامل في
موروثيه الأنا
= هتخوني يعني
- بالظبط.. فقولت بدل ما أبحث بعيد.. أخليني في صحابك.. وأهم مننا وفينا ومش
هنروح بعيد يعني.. زيتنا في دقيقنا
= واشمعني صحابي
- الأصحاب يعني عارفين كل تفاصيلنا.. لانك أكيد بتحكيلهم كل خصوصياتنا.. يعني
هيبقوا عارفين أنا بحب ايه و مودي إيه وكيفي إزاي.. بلبس الوان ايه.. كله كله.
. كل تفاصيلي
= انا بحكيلهم فعلا

- ودي ميزه إنة بتحكيلهم.. مش هبدأ معاهم من الصفر .. انتي عارفاني بزهدق
 بسرعه.. فدول هيبقي في إنجاز وتخطي للمراحل المملة يتاع بداية العلاقات
 = دا انت مجهز كل حاجة من الاول بقي
- أنا أصلا واخديكوا باكج كده علي بعضه .. مستحيل هلاقي واحده كامله زي منا
 عاوز .. فكل واحدة فيكوا مكملة للتانيه..
 =انت بتسخر بعقلي!؟
- مش استخفاف والله.. هي مصداقية قدام نفسي بس .. ولاء دمها خفيف و مسلية
 = ولاء فلاتايه صغيره كده
 - هند كيرفي .. مكملة لولاء
 = هند ممحونة
 - تقي واقعية
 = حتي تقي؟! .. علي فكرة تقي إزدواجية
 - أماني بوش واحد
 = أماني بوش آب
 - سارة طيارة .. قشطة بيس يعني
 = سارة جوزائية
 - إيمان عذراء
 = لا مش عذراء
 - برج العذراء يا بنتي!!
 = آهااا ... طب وانا!؟
- انتي صاحبتهم يا حبيبتي.. انتي السبب في علاقتنا اساسا.. انتي الأصل.. انتي حياتي
 = الله
- مين اللي جوه في قلبي حبيب قلبي مين ؟
 = أنا
- مين اللي لو كان جنبي أسلم سليم ؟
 = أن.. سليم مين!؟

- يا ستي وات إيفر يعني.. مين؟!

= أنا

- مايا صاحبتمم الأخريرة رقمها كام بقي عشان داخ عليه!!؟

ازای تفرکشی بسهولة

- = عاوزاك تفهم ان القسمه والنصيب أقوي مني ومنك ها؟!
- أنا عاوز دباديبي
= يا ابني بطل عفانه .. بكلمك في حاجة تانية دلوقتي .. الموضوع مش مادي خالص
والله
- يعني اللي هتتجوزيه ده مش راجع من الكويت ولا السعوديه ولا مدغشقر ؟
= ولا الهري ده كله.. دا موظف تقليدي غلبان مامته نفسها تفرح بيه وتشوفه
عريس وتلعب في خدود ولاده
- وده أحسن مني يعني؟!
= بص هو الموضوع نسبة وتناسب.. إنت مثلا خلاص حفظتني بكل تفاصيلي بكرشي
ببروزي .. مش هعرف أرسم عليك دور الرقيقه لانك متأكد اني مش رقيقه ولا حاجة
وعندي اصطناع المش
- المش؟!
= مش تلبس.. مش تاكل مش تلعب
- آآه .. إصطناع الرقه المشية?!
= وات إيفر يعني .. فتخيل حياتي مع حد مش عارفة اترقق عليه .. ثانيا بقي عندك
اكتفاء ذاتي نكدي
- آه والله.. طلعتي مييتين ام حياتي
= عارفه.. فبقيت حافظ كل أساليب دخلاقي النكدية.. فهتفهم اول ما ابقني طالبة
نكد وتقفل الموضوع.. ومشبعش رغبتني النكدية الملحة.. فتخيل بقي ولا رقة ولا
نكد
- تصدقي الراجل ده صعب عليا والله

= وفوق كده هو نوب.. يعني ولا فاهم حاجه غير شغله واسعار الخضار والفاكهة..
السوشيال ميديا والسيلفي والريليشنز والمصطلحات دي كلها مش في قاموسه
- ايه الميزه في كده؟!
= مش هيطلب باسووردي ولا هيتجسس عليا ولا هيعرف بتشات مع مين وبفولو
مين.. انا محتاجه راجل كده بحد
- محتاجة وساخه
= مش بالظبط.. بس محتاجه أنطلق بقي وأخذ راحتي شوية
- طب متخدعيني حتي
= مش هعرف.. خلاص اتحفظت.. انت حتي البوش أب برا مش هعرف أخدك
بيها.. عارف الموظف ده؟!
- ايوة عينه مترفعتش من علي السلسه اول مرة شافك فيها واتخدع زي حالاتي
= ولسه هنكد عليه واترقق عليه وهو هيفرح .. وهتفرج علي دراما هنديه وتركية
وانا اللي هيبقي معايا الريموت
- ربنا يكون في عونته
= نصيبه بقي .. وبعدين انا هبقي اول واحده في حياته .. اول تجربة واول نزوة
وأول كل حاجة.. أول مسكة إيد.. انما انت مستهلك
- حرام عليك.. لو عندك أخ ترضي حد يقوله كده؟!
= عادي يا أحمد منا مستهلكة.. انت كمان لازم تشوفلك واحده خام لسه بتلف ٣
طرح وبتلبس شرايات علي الكوتش
- هحاول
= بس بقي فالموضوع زي مقولتك مش مادي خالص .. الموضوع نفسي ومعنوي
- وات ايفر.. دباديبي برضه ترجع .. أكيد انا هبدأ علاقة بعدك وهرجع لسه أبدأ من
اول هاي ممكن تتعرف وهعدي علي مرحلة الدباديب دي تاني..
= المهم بقي مش تزعل مني ومش تعمل حاجه تأذيني ومش ت
- هش هش هش ..
= آه آسفه نسيت .. يالا هقوم أنا بقي .. وحاول تفاك أوف ها?!

- حاضر
- = يلا بيس
- بيس يا قذرة
- = حياتي والله



إزاي تخلص من مراتك وتشميل أوت

- = تعالي يا حبيبتى قربي متخافيش
- بخاف من الحقن
= دي مش أي حقنه .. دي أحلي حقنة هتاخذها في حياتك
- خايفه برضه
= طيب وجع الشكة البسيطة دلوقتي ولا اللي هتشوفيه في الكام يوم الجايين؟!
- مش عارفه..!
= الكام يوم الجايين.. اللي مليونين تنضيف شقة وكنس تراب وفرك سجاجيد ووجع
ضهر وشعلقه في النجف وكهربه?!
- بتعب اوي من الحاجات دي
= هتلاقي لسه أفلام السبكي.. والأطفال الجربانه اللي بتقلع ويرقصوا علي مهرجانات
بعد الصلاة فاكراه مناظرهم?! هتشوفها تاني
- حاجه قرف
= أكبر نسبة تحرش هتحصل الكام يوم الجايين .. الموتوسيكلات الصيني وأصوات
أغانيها العاليه اللي هتصحكي من النوم .. البنات الصغيره اللي بتلبس ليجن بمبي
علي بدلة جينز وحزام بتوكة كبيرة وشراب علي صندل.. فاكراه المنظر المقذذ ده?!
- حافظاه
= الزيارات الروتينيه بتاع كل عيد ورغي خالاتك وعماتك .. وأطفال قرايبك اللي
هيقعوا طبق الكحك علي السجاده اللي لسه منفوضه ومفروكة بالفرشه وقسمالك
ضهرك ..
- بس بقي
= صور صحابك اللي هيطلعوا الساحل والمدن الساحلية يعملوا سنوركنج ودايفنج
وانتي هتفضلي هنا جنبي بتاكلي ترمس وتضحكي علي مسرحيه المتزوجون علي نايل

كوميدي زي كل عيد.. المرادي كمان هتملي ومش هتضحكي
 - طب ما تخرجني انت
 = هقولك تعبان ومش قادر والاسبوع ده الوحيد اللي باخده أجازه من الشغل
 عشان انام براحتي ولا أنزل اشوف صحابي اللي مش بشوفهم غير كل عيد
 - هتخافك معاك
 = عارف وانا هتترفز وأكسر في الشقه واسيبلك البيت وانزل وانتي تقعدني تنضفي
 وتعيطي زي كل عيد برضه
 - يعني ايه بقي
 = يعني الكام يوم دول لازم ناخدهم بيات عيدي
 - ايه البيات العيدي ده؟!
 = ده زي البيات الشتوي.. هناخد الحقنه دي.. وهي هتوقف كل أعضاء جسمنا عن
 العمل لمدة اسبوع.. معادا القلب والرئتين طبعا عشان نفضل عايشين
 - مش هنصحني غير كمان اسبوع؟!
 = هنصحني الجمعة الجايه زي دلوقتي
 - تفسحني بقي
 = لا هنتام ثاني عشان عندي شغل السبت الصبح
 - يووه
 = كده أحسن ولا تحضري العيد بكل المآسي بتاعته؟! .. دنا نسيت أقولك علي صور
 الخرفان والتاجات اللي هتتعملك والرسائل الروتينية وقبل العيد وزحمته و..
 - لا لا لا خلاص هنام احسن هناك .. بس إديها لي براحه بخاف
 = حاضر ..
 - استني.. مين هيدريك حقنتك؟!
 = هديها لنفسي يا بنتي .. منا دكتور
 - أه صح آسفه.. براحه بقي
 * بيديها لها .. بتنام .. بيطلع موبايله *
 = أيوه يا شباب.. خلاص أسبوع الساحل أنا راشق فيه معاكوا.. صباح الفل..!

عصابه سرقة الزوجات النكديه

= أستاذ أحمد؟!!

- اه

= جوز أستاذه مني؟!!

- ايوه انا الزفت مين معايا

= احنا عصابة الوفاء والأمل

- ماشي

= ماشي إيه؟!!

- اعملك ايه يعني؟!!

= انت مش ملاحظ ان مراتك مش موجودة في البيت؟!!

- اه وقاعد اسجد واعمل طياره ابو تريكه في الصاله من ساعتها ومبسوط

= ماشي ما إحنا اللي خاطفينها.. عاوزين ١٠٠ ألف جنية فدية

- اهاهاهاهاها بجد؟!!

= انت بتضحك علي إيه يا عم؟!!

- انتوا خاطفينها؟!!

= آه.. ولو مش مصدق هخلي مستكة الصبي بتاعي يقطعها اول زرارين في بلوزتها

دلوقتي

- لا مصدقك خلاص .. بس انت عارف العواقب للي انت بتعمله ده ؟

= مش هتعرف توصلي.. ولو بلغت البوليس هنقتلها

- لا لا.. العواقب الثانية.. دي هتصحي بالليل تصحيكوا من النوم وتعيط وتقولكوا

انكوا بمقتوش تهتموا وحبكوا ليها قل وان في ستات تانيه في حياتكوا.. عندها وسواس

نكدي !!..

= محنا عارفين
 - دي بتطلب اهتمام من بتاع دليفري الكشري!!
 = يا ديني ..!
 - مش بس كده.. دي ولا هتطبخ ولا هتتنصف حاحه.. وحافضة كل مراجع وأبحاث
 حقوق المرأه وهتوريكوا ايام سوذة
 = عارفين والله
 - دي كمان هتطلب منكوا حد يفسحها ويخرجها كل يوم ويجيبها هدايا وورد
 وشيكولاتات وسلاسل انفينتي ووساخه كدة.. هاهاهها
 = احنا متابعينكوا وعارفين
 - أقسم بالله انت ما عارف انا مبسوط ازاي.. دا انت وفرت عليا مؤخر صداق ونفقة
 ومحاكم اسره وبهدلة.. اقوك اقتلها بطريقة رحيمه
 = يا ريت تبدأ تجهز فلوسك من دلوقتي قدامك أربعة وعشرين ساعه
 - فلوس؟! هاهاهها.. انت مجنون؟! وربنا ما دافع
 = قدامك اربعة وعشرين ساعه و
 - مش دافع
 = اربعة وعشرين و
 - مش دافع هاهاهها
 = يا عم سبيني اكمل كلامي.. قدامك اربعة وعشرين ساعه.. لو مدفتش الفلوس
 هنرجعها لك تاني
 - مش د...
 = اقسام بالله لهنرجعها لك تاني!!
 - حضراتكوا بتتعاملوا مع بنك ايه؟! .. ولا فودافون كاش أسرع!!
 إزاي متنسش نكدك
 = مكلمتنش ليه إنهارده؟!
 - أنا آسف جدا يا حبيبي.. صحيت من النوم علي صوت صويت جامد.. بصيت من
 البلكونة لقيت أحمد صاحبي بيتخانق مع أيمن الحلاق

= ليه ؟!

- عشان حطله ورقة نتيجة في جيبه علي إنها فلوس الحلاقة.. بس أيمن كشفه المرادي
لانه عملها فيه كتير

= اه

- بس بقي.. أيمن الحلاق جاب المقفص وقرط وذن أحمد صاحبي ودللت كده
والناس فضلت تصوت

= وبعدين ؟!

- نزلت خدت أحمد بالعربية عشان أوديه المستشفى يلزق ودنه تاني .. وانا علي
الدائري كده لقيت عربية نقل مقلوبه علي سيفها والطوب الأحمر في كل حته.. وانا
علي سرعه كبيرة

= يا خبر

- حاولت افاديه باقي بس نطيت من فوق الكوبري

= ومت ؟!

- لا روح متبت جامد كده في الدريكسيون وثبت العربية ونزلت علي الكاوتشات
عادي بس نزلت عكس.. ولقيت عربية تريلا تانيه جايه في وشي علي سرعه

= يا ديني !

- جبت الفتييس مارشدير بسرعه ورجعت بزهرري وتفاديتها كده وخمست ولفيت
بسرعه ومشيت مع الطريق عادي

= mission Impossible حياتي والله

- وصلت المستشفى علي الساعة ٦ المغرب كده وأحمد ماسك ودنه في إيده ويوصلها
ويبصلي ويقولي هلزقها ازاي ويعيط

= صعبة فعلا

- الدكتور مسك ودنه كده وضحك ورمأها في الزباله وقالي روح هاتله واحده جديده
دي مش هتنفع

= طبعا عشان محطتهاش في تلج

- الله ينور عليك.. رجعت خدت العربية وطلعت علي حديقة حيوان قريبه.. انتي

عارفه أحمد ودنه كبيرة يعني ومش هلاقي الحجم ده غير في الأرنب

= إيوة

- قتلت أرنب وقطعت ودنه وحطيتها في تلج وطلعت علي المستشفى تاني كانت

الساعة بقت ١٠

= عظيم

- إديت الودن للدكتور بصلها كويس وقاسها علي ودن أحمد لقاها أصغر سنه ومش

نفس المقاس

= يااه

- رجعت الحديقة تاني جبت ودن الأرنب الثانية و رجعت تاني بعد ما فرهدت

ها =

- الدكتور خد الودنين بقي ودخل أحمد العمليات وهو جوه دلوقتي أهو بيلزقهومله

..

= كويس

- بس مفضتش بقي غير دلوقتي فقولت اكلمك أطمنك عليا بقي..

= اها.. وانت بقي نازل من البيت وعلي السلم كده مكانش في ٣٠ ثانيه فاضيين

تكلم الحيوانه اللي مستنياك تطمنها عليك دي!؟

... -

= ها!؟

نہایہ العالم یا لہدی

- = ایہ امکان دہ !
- دہ مختبری العلمی یا ہدی .. امکان الی فیہ کل تعبی وعرقی وجہدی .. ودی
اللحظہ الی مستنیہا من زمان عشان أقدر أستفید من خلاصہ جہدی وعرقی !
= مش فاہمہ !
- النہایہ قربت یا ہدی .. العالم ع وشک الانتہاء .. فیروس قاتل منتشر فی مصر .
. درجہ الحرارہ ہتعدی الخمسینات .. القیامہ قربت وھیئہ الأرصاء قالت کدہ !
= مش مصدقہ بس سو وات !؟
- خلاصہ تعبی موجودہ قدامک .. جہاز تدخلی فیہ وتقفلی علیکی .. ویقف کل
أعضائك عن العمل معادا الرئتين بس .. انتی مش محتاجہ أكثر من نفس طالع
ونفس داخل عشان تفضلی عایشہ !
= آیوہ شوفتہ ف أفلام أجنبی قبل کدہ !
- بالظبط .. أنا حوئلہ لواقع .. عملتلہ تاہر یفتح تلقائی بعد عشرين سنہ .. تکون
کل الناس ماتت .. ومیفضلش غیری أنا وانتی !
= آیوہ زی فیلم I'm Legend کدہ صح !؟
- تمام .. وانتی ہتبقی زی الکلبہ کدہ !!
= أحمد !!
- وفیہ زیہا یعنی یا حیبیتی !
- = عارف ان دہ معنہا إن کل السوبر مارکتس .. والمولات ومحلات اللبس وتلاجات
الشیکولاتہ ہیبقی بتوعنا احنا .. ونفضل ناکل ونلبس ونمشی ومحدث غیرنا بس !
- بیعجبنی فیکي انک مش سطحیہ !
- = کمان ہنقدر نبوس بعض عادی بدون ما ندخل سینما وندفع فلوس للراجل بتاع

الكشاف عان يسبيننا . أو ندخل أسانسير عماره ونطلع آخر دور عشان ناخذ وقتنا؟! -
يعنى لما العالم يفضى علينا بقة ونبقى لوحدنا .. هنستغل كل ده فى الأكل واللبس
والبوس؟!

= أى كان نوت وييت والله !

- ولا أنا .. دلوقتى هتدخل الجهاز اللى هيحميكي من أى فيروس قاتل .. أو شمس
حارقه .. وأنا هدخل الجهاز اللى جنبك .. ونشوف بعض كمان عشرين سنه بقى !
= هتوحشنى بجد !

- متقلقيش مش هنحس بوقت .. هننام ونفتح عيننا نلاقى نفسنا مع بعض .. خشى
!

* بتدخل .. يقفل عليها باب زجاجى *

- حبيبتي سمعاني؟!

= سمعاك .. بس متأكد إن الجهاز ده هيحمينا من الموت؟!

- أينما تكونوا يدرككم الموت يا هدى !

= نعم؟!

- يعنى القيامه قربت .. والأيام اللى بقيالى فى الحياه قليله .. ومش ناوى أضيعهم
فزك المتكرر وسطحيتك المستفذه يا هدى .. ارقدى فى سلام .. حياه بدون زن !

= أحمد متستهبلش خرجنى .. أحمد .. أحمااااد !

* بيطفى النور ويقفل الباب ويخرج *

متسببيني اكون مستقبلي بقى

- = انت ازای سلبی كده؟! .. ازای هتسببيني أتجوز غيرك بعد حب ٧ سنين؟!
- أدى الله وأدى حكمته .. ده نصيب مينفعش نعترض عليه!
= يعنى حتى مش هتحاول؟!
- أحاول بايه دا انتى هتدفعى حساب الكافيه واحنا قايمين .. انا فقير!
= يعنى ايه?!
- يعنى أيام بوور .. بوور فشخ بيليف مى!
= لا قصدى يعنى ايه مش هتحاول تعمل حاجه!
- حاولت أفهمك من زمان .. إنتى السبب فى كل ده ومتخلنيش أتكلم وأتفتح فيكى بقى!
= انا متخلتيش عنك!
- هفهمك .. فاكره ايام الحب اللى بينا?!
= كل لحظه!
- كل لحظه فعلا .. فاكره لما كنت بصحى من نومى ألاقىكى رانه عليا ميه مره عشان تصحبنى وتقوللى وحشتنى?!
= وكنت ساعات تتقفل منى وتقفل فى وشى وتنام تانى!
- وكنتى ترنى وتبعتى مسجات برضه لحد ما أصحى تانى!
= وتصالحنى وتنزل تقابلنى فى كافيه جنبنا!
- وأقضى معاكى اليوم كله لحد بالليل!
= ضحك ولعب وجد وحب!
- تيرارا!
= احنا فى ايه ولا ف ايه .. عيش اللحظه بقى .. كلام حب ها?! .. حب كثير .. حب

جامد !

- حزن جامد .. ايه بيحصل لما واحده تحب واحد؟!

= دا حزن جامد .. آآآه .. حب جامد .!

- وأول ما أروح واسيبك .. تفضلى معايا عـ الفون لحد ما أوصل !

= ولو داخل تاخذ دش أقولك خلينى معاك برضه وأسمع صوت المايه لحد ما تخلص

ونكمل كلام !

- وأفضل أكلمك طول الليل ومترديش تقفلى غير لما حد فينا ينام !

= وتانى يوم أفضل أرن عليك ميه مره لحد ما تصحى ونتقابل تانى !

- ونبدأ يوم جديد مع بعض فى قصه حبنا !

= وهكذا دواليك ٧ سنين !

- بس كده .. فهمتى؟!

= فهمت ايه؟!

- ما هو لما أكلم ديك أمك طول اليوم صاحى ونايم .. هشتغل امتى عشان أجيب

ديك أم فلوس .. وأكون ديك أم مستقبلى .. عشان أعرف آجى أتقدم لديك أم أبوكى

.. وأتجوز ديك أمك!!؟

= مالك اتحولت مرتضى منصور ليه كده؟!

- بلا مرتضى بلا خره ضيعتى ديك أمنا .. جارسون .. تعالى حاسب ديك أمها .. وقومى

روحى قابلى ديك أم العريس واتجوزى وسيبى ديك أمى فى حالى بقى!!

قولى يا بيبى

* مشهد داخل نفق مظلم *

= من أسد إلى صقر .. أنا دلوقتى وصلت موقع القنبله جوا النفق .. قبله بدائيه الصنع .. مزوده بتاير .. وقدامى دقيقتين .. أتعامل إزاي حضرتك؟! .. حول !
- ايه - صقر - دى؟!

= افندم حضرتك!؟

- أيوة ايه - صقر - دى .. آنسه جميله زيي .. اسمها يبقى - صقر - ازاي!؟
= استرها يارب .. حضرتك أنا نايم ع بطنى وجوا نفق وقدامى قبله .. وقدامى دقيقتين وأتخرتاً .. مستوعبه؟! حول !

- أوك .. So what .. متغيرش الموضوع .. مش معنى انى خبيره متفجرات تسمينى
- صقر - يعنى !

= WTF !! .. أنا كنت قلقان من أول ما قالولى إن واحده اللى هتتابع معايا .. اسمى حضرتك ايه بسرعه والنبي!؟

- همممم .. امممممم .. ابييه

= يا دين النبي .. أنا عندى ولاد أبوس ايدك !

- خلاص خلاص .. قولى - قطه - !

= من أسد إلى - قطه - .. أعمل ايه دلوقتى!؟

- معاك مفك!؟

= أكيد يعنى .. منا مش هدخل للقنبله بمشط شعر .. بسرعه أبوس ايدك بلاش
أسئله تافهة !

- لونه ايه!؟

= يارب والنبي * بيعيط *

- ف بمبى؟!
= إنتى داخله H&M؟! .. أقطع ايه .. أقطع ايه .. ٥ .. ٤ .. ٣
- اقطع الأصفر .. الأصفر!
= استنى ..
أحه مفيش لون أصف..
* صوت انفجار *
- إزاي مش عاملين لون أصفر؟! .. دا لون شيك جدا!!

انترفيو لهات بنات

- = منورين يا أنسات .. اتفضلوا اقعدوا .. اتفضلوا !
- ميرسي !
= انتوا جايين عشان الشغل اللى عاملين إعلان عنه مش كده ؟!
- تمام !
= تمام جدا .. بس للأسف احنا هناخد واحده بس منكوا .. باين عليكوا أصحاب ..
كل واحده وشطارتها بقى .. حضرتك اسمك ايه !
- هايدى ودى صاحبتى أمل .. أمل مش آمال هاهاهاها سو فاني !
= قوليلى يا هايدى عندك فيس بوك ؟!
- آه شور !
= طيب لو هشغلك معانا هنا فى الشركة ومحتاج إنك تعملى تسويق على الفيس بوك والسوشيال ميديا عموما .. هتعملى إيه ؟!
- أنا هقدر أفيدك جدا يا فندم .. أنا عندى فولورز كثير فشخ بقى !
= عظيم جدا .. إيه نوعية الفولورز دول ؟!
- يعنى شباب أندر إيدج معظمهم فى إعدادى .. لسه فى مرحلة البلوغ والنضوج ..
عارف حضرتك النوعية دى ؟!
= ايوة أيوة .. النوعيات اللى بتسخن على صور البادى الكات ؟!
- أيون !
= اللى كل كومنتاتهم إنتي جامده فشخ .. نفسى فيكي .. انتى جمل .. والحاجات
دى ؟!
- بالظبط !
= بيصوروا جسمهم ويبعثهولك فى الأزر .. وانتى مبترديش وبتاخدى اسكريينات

وتقولى أوف بجد أنا زهقت من الأشكال دى .. مع إنك بتتعمدى تتصورى فى
الأوضاع دى عشان تحسى بقيمة نفسك؟!

- حضرتك فولو عندى؟!

= دا عادة بيبقى نابع من إنك تافهة وعديمة القيمة فى الحياه الواقعيه ومفيش كلب
بلدى أرمنت بديل مقطوع ببصلك .. فبتدورى على الإهتمام على العالم الافتراضى .

. واصبحتي أتشن هور قد الدنيا؟!

- مش بالطبط !

= بجانب إنك أكيد أوبن مايندد؟!

- هاهاها أحه !

= بتعترضى ولا بتثبتي إنك أوبن مايندد؟!

- لا بثبت !

= مبروك يا آنسة هايدي حضرتك قبلتى معانا فى الوظيفه .. تقدرى حضرتك تضغطى
على الزرار اللى قدامك على المكتب ده .. ده زرار الـ Acception بتاع الوظيفة !

- الزرار ده؟! * بتضغط .. تخرج طلقة من فوهة بالمكتب .. تدخل فى رأسها مباشرة
وتفجره *

= معاكى يا آنسة أمل .. قوليلى عندك فيس بوك!!؟

* تهز رأسها يمينا ويسارا فى صمت *

المركز المحني لعلاج النفسيات المرهفة

= منورة المركز يا فندم .. اتفضلى حضرتك .. اتفضلى يا آنسة .. مدام؟! .. شكلك
بيقول مدام!

- لا لا آنسة .. أنا سمعت عن المركز وجاية آخذ فكرة!

= المركز المحني لعلاج النفسيات المرهفة يا فندم هو مركز فكرته جديده بتعالج
نفسيات البنات الأندر الايدج أو التينيجرز .. المعنسين .. الأوفر ايدج .. كله يا فندم
كله!

- كويس .. إزاي!

= هنا في فندم دى وحده العلاج بالنوتيلو .. لو دخلنا جوه نلاقى الحيطان مدهونة
بنوتيلو .. أراضيات نوتيلو شاورما نوتيلو كريبات نوتيلو شرابات نوتيلو أندرويرز نوتيلو
أستاذ على نوتيلو موجود هنا ٢٤ ساعه فى الوحدة لو احتاجتي منه حاجه!
- عظيم جدا!

= نخش شوية هنا يا فندم دى وحدة ملاً الفراغات الحياتية .. عبارة عن مجموعه
شخصيات تقدرى تنقى منهم الشخصية اللى لزماكى فى حياتك!
- اعرضلى!

= أستاذ مروان هنا ينفع بيقى Your backbone بيدوس فى المشاكل ويحلهاك
ويتصدر لأى Ex يحاول يضايقك بصورك اللى بعتهاه .. معنا إسلام هنا ينفع
يكون Your secret relation بوس .. أحضان علاقات عامة وخاصة .. أحمد اللى
هناك ده عصبي وسادى تقدرى تهتمى بيه ويسقعلك ويحسسك بإنعدام القيمة
وت! The only one evaaaa call him

- هممممم

= لو بتضايقى كمان من الصحاب البنات الوحشين النمامين الحقوديين .. ومحتاجه

واحد يشاركك حياتك بكل تفاصيلها تحكيه ويسمعك وتبقى معاه لوحدكوا ومتاخفيش منه .. ممكن تاخدى الأستاذ الى هناك ده .. بس خدى بالك مودى مش تمام !

- ليه حضرتك متضايق من ايه ؟!

= لا الى هناك ده إسمه مودى .. بس مش تمام .. يعني بي..... .. وات ايفر يعنى هو مش تمام !

- واو .. طب عندك حاجه كده ينفج بيقااااااااااا ..

= أيوة أيوة سعيد الى قاعد هناك ده مكن يبقى تاخديه فى الفريندزون .. هيحسسك بقيمتك جدا تعمليله سين على الفيس .. علامتين زرق على الواتس .. بلوك انستجرام وهتلاقيه بيبعتلك كل يوم صباح الخير > ٣ عادى بدون أى ملل . يجيبلك شيكولاتات تصوريها .. يدفعلك حساب الكافيهات والمطاعم ويشحنك عشان تكلمى غيره هاهاهاه عادى بقى ديذا جدا يعنى هاهاهاهاه!

- بجااااااااااا !

= آه أومال .. جوه شوية بقى .. دى وحدة العلاج بالهاني عادل .. هتلاقى جوه رجاله بدقن صفرا عيون ملونة وعروق ايد وتفاحات آدم .. بيرفكت بادى .. شعر أبيض تقدرى تاخدى سيلفز كثير معاهم وترفعيها على الميديا براحتك .. وعندنا أوفر برايس هنا تقدرى تاخدى منهم الى عاوزاه تخرجي معاه قدام صحباتك تغيظيهم وترجعيه تانى قبل انتهاء فترة الأوفر الى حضرتك هتاخديه !
- أوه ماى جاد !

= فى كمان هنا وحده الأبراج .. لو حضرتك بتحببها ومؤمنه بإن القوس مزاجي والجدي عمره ما ينفج العذراء .. مع إن برج الجدي مينفعش غير لبرج النعجة عشان السلالة طبعا هاهاه .. فإحنا عندنا هنا update يومي للأبراج ونصايح تقدرى من خلالها تختارى شريك حياتك بناء على حظه الميلادى من ترتيب شوية نجوم فى السما !.

- ده أوفر بجد .. انا مش مصدقة !.

= أومال هنكسب ونربي عيالنا منين يا فندم .. لازم نشغل دماغنا بقى هاهاهاه منورة

!

- إديني تيكيتين !

= تيكيتين هنا للآنسة يا على .. ودخلى الأستاذة الـ for ever alone الى هناك دى !

-



كهن السيد محن

* شات *

= انت ليه عمرك ما شوفتيني ك حبيبة؟!

- عشان عمرنا ما اتقابلنا !

= نتقابل !

- أنا كَوْنِت فكرة عن شخصيتك خلاص وعمرنا ما هنتفع لبعض !

= مالها شخصيتي؟!

- انتي برج ايه؟!

= الجوزاء !

- وأنا كمان الجوزاء .. وعاصم ابن عمتي الجوزاء برضه .. عاصم مبيحبش جنس

النساء بشكل عام .. بيكره البنات جدا لسبب لسه مش عارفينه .. أنا مثلا بحب

الستات التلاتينيه .. انتي أكيد ملكيش في الناعم .. نستنج ايه؟!

= ايه؟!

- اننا مختلفين عن بعض صح؟! .. تشابه الأبراج عمره ما كان سبب في تشابه

الصفات .. فلما تشيرى بوستات - دول عاطفين جدا ورهيفين الحس ويحبوا الحلبة

#الجوزاء#العقرب#الميزان - .. أكيد هاخذ فكره انك تافهة وساذجه وعقلك ضحل

فكريا !

= هممممم !

- تاني حاجه .. وليد بيحب مين؟!

= مريم !

- مريم بتحب مين؟!

= وليد !

- هبة بتحب مين؟!
 = أحمد التابع!
 - هبة مجدي يا وسخه!
 = آآه.. محمد محسن!
 - محمد محسن حب مين?!
 = هبة مجدي!
 - انتي دخلك ايه في الموضوع بقى بميتين أمك?!
 = احترم نفسك!
 - دخلك ايه في الموضوع بقى بميتين مامتك?!
 = تؤ!
 - أكيد ملكيش دخل.. وأكيد دى حاجه متأثرش في عواطفك عشان تشيريهيا وتعملى فوقها قلوب وهيح.. يعني هو لما بيقولها بحبك شعر ايدك بينمل?!
 = أه!
 - طب لما بيبوسها بتسخني?!
 = لأ!
 - غريبة مع ان أنا بسخن!.. وات ايفر لما اشوفك بتتأثرى بمشاعر مش جاية نحيتك ولا انتى طرف فيها.. هاخذ عنك فكرة انك ممحونة على نفسك وأوفر فشخ!
 = أه.. وايه تانى?!
 - صور الأكل والشيكولاتات اللى كل يوم شير ليهم مع كابشن - ياربي بقى عاوزه من ده - .. وبعدها بساعه تنزلى صور بنات بأرداف وجوانب وتقولى الكيرفي يا جماعه
 >3.. ده مش كيرفي دى كتر طفاسة وتبرير وسعان السرة.. لو ارتببت بيكي أصرف عليكى وعلى سرتك دى منين!!
 = ...
 - ردى عليها ها?!
 * message not sent *
 * facebook user *

أبهراتنا الجميلة

- = إنجز يا أحمد أبوك مش حمل صداع عاوز ايه ؟
- عاوز نحل مشاكلنا مع بعض يا بابا
= مشاكل إيه منا ممدتش إيدي عليك بقالي شهرين
- وآخر مرة كانت بسبب ايه ؟
= درجات الميديترم
- واللى قبلها ؟
= عشان درجات نص السنه
- نستنتج من كده ايه ؟
= إنك فاشل ابن كلبة
- ليه ؟
= عشان إنت كلب
- وإنت ؟!
= هخلى المده اللى مضرتكش فيها تصفر ونعيدها من الأول دلوقتي
- لا قصدى إنت إيه دورك فى إني مبقاش فاشل ابن كلب ؟
= أذاكرلك ؟
- لا .. حضرتك راجل بيزنس .. وأنا هكلمك بلغتك
= ياريت
- أنا عملت presentation كده بسيط .. طرق حل المشكلة .. أولا إيجاد المشكلة ..
ثانيا أسبابها .. ثالثا إكتشاف الحلول
= محاضرات التنمية البشرية دى عارفها .. انجز
- هنا المشكلة الفشل الدراسي .. أسبابها بترجع للتقدير الخاطى للوقت اللازم لمذاكرة

- = طيب جميل .. عجبني طريقه كلامك الموضوعيه
- بتعلم منك
- = إسمع بقى عرضى أنا
- معاك
- = إمتحان الفاينال الجاى لو مجيبتش فيه تقدير مش هتخش هنا تانى
- حقك
- = ولو جبت فيه تقدير بقى
- هتتفدى طلباتي اللى قولتها كلها
- = لا هنسي كل الهري اللى قولته دلوقتي ده ومش هحاسبك عليه
- يا بابا
- = شايف الشاكوش اللى فوق الدولار ده ؟
- خلاص فهمت
- = على أوضتك وكتابك ومسمعش الكلام ده تانى
- حاضر
- = خد هنا
- حاضر
- = طقطقى صوابي دى
- حاضر !

إزاي تبلغ أهلك بسقوطك فى الثانوية

- = بابا قبل أى حاجه مجموع شوية درجات عمره ما كان كلمه النهايه فى مسيره
حياه الإنسان !
- جبت كام؟!
= الدوله اللى نظامها بيتعامل معايا بالدرجه .. وبيرسم مصيرى ومستقبلى بجزء من
عشره فى الميه .. المفروض ميقاش سبب فى نهايه طموحى مهما كان !
- أقل من ٩٠% هعذبك عذاب الهدهد يا محى !
= طب أنا جبت مجموع كويس .. إيه فايدته لو ف الآخر طلعت دكتور أو مهندس
فاشل .. مفضش لمجتمعه أو لنفسه أى جديد !
- كان نفسى تطلع صورتك من الأوائل يا محى !
= طب إمسك الصور يا بابا وبص فيها كويس .. تمعن .. إقرأ تفاصيل وشهم .. شايف
ايه !
- عيال تشرف يا محى !
= ركز فى معالم وشهم اللى ماليها الهم والخوف من المستقبل .. شعر حواجبهم اللى
بقى خط مستقيم .. شايف الشنب ده؟! .. متخيل طالب ثانويه عامه وشنبه كده
!؟ أومال تحت باطه عامل إزاي!؟
- بطل قرف !
= إهمالهم شكلهم ولبسهم وأى نشاط إنسانى غير المذاكره .. إنزالهم وإنطوائهم ع
نفسهم وإرتباطهم العقيم بكتاب محشى كلام وأسئله وإمتحانات !
- أنا مالى البانيو تلج يا محى .. و ناوى أكتفك فيه وأكهربك .. وأخلى جتتك فى وسط
التلج عشان أعضائك تفضل صالحه للإستخدام بعد موتك .. وأقدر أبيع أعضائك
وأرجع فلوسى يا محى !!

= أنا قررت إني أدرس الحاجه اللى شايف نفسى فيها .. الحاجه اللى حاببها يا بابا ..
مش هسيب تنسيق وكام درجه يحددوا شكل حياتي الجايه ع مزاجهم !
- إنت ليك هوايه يا محى ؟!

= طبعا ليا هوايه .. بس إنت عمرك ما شوفتها .. عشان إنت شايف نفسك بس .
. عاوزني أدخل طب لمجرد إنك تشبع غرورك وتترسم ع زمايلك وقرايبك وتقولهم
إبنى دكتور .. بس لأ أنا هدرس الحاجه اللى بحبها يا بابا !
- ايه هوايتك ؟!

= خدمه المجتمع يا أبويا .. إبنك خدوم .. وعشان كده قررت أدرس خدمه إجتماعيه
!

- معدتش الـ٦٠ يا محى ؟!

= لا هعدى يا أبويا إن شاء الله .. لسه معايا ملحق كيمياء هيرفعنى شوية !
* مشهد من فيلم الأرض .. بيجرجره من رجله ناحيه الحمام *

الحشيش الجميل

- مساء الخير يا حضرة الظابط
-- مساء النور .. إتفضل يا فندم أوامرني
- إتفضل يا فندم .. إمسك .. شوف القرش ده كده
-- إيه ده ؟!
- ده حشيش .. حشيش يا فندم ..
-- يا دين النبي .. إنت مجنون ؟
- أنا جاي أبلغ عن عصام سمكه .. الديلر بتاعي .. الديلر عديم الضمير .. مش كفايه
يا فندم الإستغلال .. مش كفايه قفل موبايله طول شهر رمضان .. ولما فتحه ليله
الوقفه ضرب السعر في ٢ وقال ده موسم وكل سنه وانت طيب .. ولغي الديلفرى
كمان .. وخلاني أروحله لحد الغرزة بتاعته .. متخيل ؟
-- وبعدين ؟
- ولا قابلين يا فندم .. اشتريت منه .. حكم المضطر هعمل ايه .. ومن يومها يا فندم
.. قضيت العيد كله في أوضتي عمال أشرب ..
-- مش مستوعب إنت عاوز ايه
- محستش بحاجه يا فندم .. أنا تقريبا كنت بشرب ملوخيه ناشفه .. مفيش أى
احساس إني عملت دماغ .. اتنصب عليا يا فندم .. أنا عاوز أعمل قضيه نصب
واحتيال
-- وإنت المفروض تحس بإيه ؟
- المفروض يا فندم أنتعش .. أضحك .. يحصلي هلاوس بصريه وسمعيه .. أنتقل من
العالم ده لعالم موازى ..
-- إنت عارف إنت بتعمل فيه ؟! .. مستوعب انت فين ؟

إزاي تذل اللي رفضوك

- إزي حضرتك يا عمي ؟

-- الحمد لله

- آسف إني جيت من غير معاد كده .. حضرتك فاكرني ؟!

-- اكيد طبعا.. كنت جيت من سنه كده تطلب ايد بنتي.. بس كنت تافه ومش جاهز وجاي تهزر ..

- دي كانت نظريتك ليا يا عمي.. ونظره معظم المجتمع ليا عموما.. بس أنا دلوقتي إتغيرت.. فاكر حضرتك طلبت كام شبكه وكام مهر ؟!

-- ثلاثين الف شبكه وعشرين مهر .. و ٥٠ حبرشه بقي فرح وقاعه و فستان وكوافير واوبن بوفيه وترويق علينا برضه

- أهم يا عمي.. علي الترابيزه قدامك ١٠٠ الف جنيه

-- معقول ؟!

- معقول طبعا يا عمي.. انا ناجح جدا في تحويل الطاقات السلبيه اللي حوليا..

لطاقات إيجابيه .. تديني دفعه حماس لإني أثبت لكل الناس انهم غلط

-- ممتاز.. هاييل يا احمد هاييل

- كنت بشتغل ليل نهار .. وبستخدم عقلي.. وبعمل معادلات مستقبلي .. حطيت

التارجت قدام عنيا وبدأت أنشن عليه

-- بطلنا الأولمبي والله.. هات حضن أبوي يالا

- استخدامي لعقلي لفته كبيره الفتره اللي فاتت.. ساعدني في إني أشوف الحياه

بشكل أوضح.. واحلل المعادلات اللي قدامي بطريقه عقلانيه.. بعيد عن علوقيه

إنزيمات قلبي اللي بتحجب الرؤيه عن رؤيه وقائع

-- إنت ألحدت ياله ؟!

- حسبت انا ليه بشتغل وبتعب كل ده؟! .. عشان حنان بنتك؟
 -- البكر الرشيد
- ال ١٠٠ الف دول يا عمي مش عشان حنان .. انا جاي أزلك بيهم بس
 -- ليه الوساخه بقي .. منت كنت كويس
- لقيتك بتتنك وتشرط.. مع انك شخص عادي مصري بكرش.. وانا شخص مصري
 عادي بكرش.. وحنان شخص مصري عادي بكرش برضه ..!
- يا ابني هنوديتها الجيم والله ونشدهالك شده حلوه قبل متاخذها
- احنا عيانين بنتجوز ميتين يا عمي والله .. الحياه مليانه حاجات أحلي من جوازه
 وعيال وبامبرز وعلب المكياج.. انا هاخذ الفلوس دي واطلع الف العالم واشوف
 ثقافات واكون علاقات أرقى
- خد حنان معاك طيب تطبخلك بدل الدليفري
- لا يا عمي خلهالك بعرقها.. انا خلاص اتشفيت فيك وشوفت نظره الانكسار في
 عينك .. انا ماشي
- يا ابني اعمل حسنه في حياتك
- انا الحسنه الوحيده في حياتي طالعالي في وشي و مبوطه شكلي يا عمي ..!
 -- لا حول ولا قوه الا بالله .. طب اقعد نشرب حاجه
- سلام
- طب هات عشرين بس؟
- سلام
- طب اندهالك تقعد معاك بالهوت شورت؟!
 ..
- يا ابني خد هقولك !!?

ازای متشقیطیش

- = أنا بهديك التراك ده.. خدي اسمعيه
- حاضر.. ثواني
= مستني رأيك بقي
- بسمعه دلوقتي
= من قلبي بجد ليكي
- رومانسي جدا
= أقل حاجه ليكي
- بس دي فيها كلمات حب.. واحتواء وشغف.. واحضان وكلام من ده
= أه.. رومانسيه بقي
- وإيه هدفك منها بالظبط ؟
= ايه ؟
- ايوه يعني عاوز ايه ؟
= مفيش كنت بس ب..
- شايفني رخيصه لدرجه انك تشقطني بساوند تراك ؟
= لا والله انا ب
- انت عديم الموهبه.. عديم الخبره.. سهل كده وأسلوبك قديم.. أقرب لأساليب
شقط أفلام حب العنديل..
= لا عنديب ايه انا
- حتي العنديلب كريتيف عنك وكان بيغني هو بنفسه
= ممكن اغنيك عادي
- هتبقني مصطنع وفيك .. الحياه بقت أسرع من كده.. والعلاقات بتنتهي بسرعه..

ومفيش وقت لأغاني عاطفيه.. الملحن مش بتاعي.. أحمد ؟

= نعم

- الملحن مش بتاعي

= خلاص حاضر

- إعقل يا أحمد

= تمام تمام

- خليك ناضج عن كده.. وبلاش أساليبك التقليديه دي.. الحب مبيأكلش عيش ..

الفريندزون بيتك ومطرحك.. اتفضل يا احمد خش مكانك

= مكان ايه ؟

- خش فريندوزنك هيحتويك

= حاضر

- متعملش كده تاني ها ؟

= آخر مره

- ولا معايا ولا مع غيري.. عشان بنكرهكوا جدا

= خلاص بقي مكنش لينك أغنيه يعني

- خد انت بقي اسمع ده..

= ده إيه ؟!

- ده مهرجان يا أحمد.. حته مني.. حته منك.. يا ابني العب مع سنك

= مهرجان

- قوم يا احمد ارقص وهلل.. ولوش وقسم بإيدك وعيش اللي متبقيك في سعادته

وتفاهه.. قوم ارقص يا احمد ..

= برقص والله دلوقتي

- حاسس انك بقيت احسن ؟!

= بكتير والله متشكر جدا

- العفو يا احمد.. يالا اسيبك تكمل رقص بقي.. باي..!

نبطل كسل بقى ؟

- الو.. مطعم أسماك القرموط !؟
-- ايوه يا فندم اتفضل..
- لو سمحت كنت عاوز وجبه سمك سنجاري.. سنجاري أيوه.. بس ليا طلب بعد
ازنك
-- تحت أمرك
- حضرتك عارف ان في أزمه كسل وحاله رضوخ شامله.. الناس بتتولد مانتخه.. الناس
مبقتش بتعمل شغلها بضمير.. البلد بتتحدر أقسم بالله
-- فعلا يا فندم.. الله يكون في العون
- والله يا فندم مبقاش في ثقه.. سواق التاكس بينزلي عند اول الشارع وبيكسل
يدخلني لحد البيت .. القهوجي بقى بيحيب الشاي مش متقلب.. الانتخه وصلت
للقهوجيه
-- يا فندم والله هظبطلك الأوردر حاضر
- صاحبتى حتى بقت بتكسل تقولي كلام حلو في الشات.. وبقت تبعتي اموشنات
واستيكرز
-- والله كل ده احنا بنعاني منه
- عاوز بقى وجبه سمك سنجاري.. سنجاري أيوه.. وياريت تقول للشيف انه مش
هيخسر حاجه لو نضف السمك كويس.. وعصر عليه لمون.. وتبله فتره كويسه عشان
السمك يشرب التتبيله.. والنبي متخليهوش يكسل ويشقلب ويقلب يعني ويتفاني
في عمله
-- حاضر بقى مكنتش وجبه.. متقرفنيش
- المهم يعني.. السمك يتنضف كويس.. وعاوز طبق رز .. وياريت متكسلوش وتنقوا

الرز

-- حاضر

- وعلبه طحينه كمان.. وبرضه يا ريت لو سمحتوا يعني تعملوها بضمير ومتزودوهاش
مايه.. ها؟!

-- وبعدين في الوسخ ده؟!

- يا فندم اعذرني يعني.. نفسي الناس تشد حيلها شويه في شغلهم .. ويتقوا ربنا..
وقل اعملوا فسيري الله عملكم..

-- ونعم بالله.. اي طلبات تانيه؟!

- لا شكرا..

-- الرقم الي ظاهر عندي ده؟!

- ايوه

-- العنوان؟!

- انا في العماره الي قدامكوا علطول.. الدور الثاني انا واقف في البلكونه شايفك اهو
.. بشاورلك

-- ...

- بسرعه والنبي بقي عشان جعان بقالي ساعتين ومكسل اتصل بيكوا اصلا.. !!

شفت مبتكر

- = ألو مساء الخير أستاذة هند
- مساء النور
= حضرتك قدمتي أكثر من شكوي لانقطاع النت؟!
- تي آي داتا؟!
= أيوة يا فندم
- أيوة النت زباله ومقطوع بقاله يومين سيادتك.. دي مش معامله آدمية أبدا
= عندك حق والله يا فندم.. انا ذات نفسي زهقت من الشغلانه دي.. وعمال أثبت
في العملاء واطفوا وافتحوا وبعاملهم معاملة لمبة التلاجات والله
- متقوليش الكلمة المستفذة دي لو سمحت.. مش هطفي حاجة وافتحها
= لا مش هقولك كده يا فندم.. الحل عندي والله حظك حلو
- اشجيني
= حطي إيدك علي الراوتر كده
- أهو
= بارد شوية?!
- يعني
= حضرتك عندك تكييف?!
- أيوة
= طب ممكن آجي أقعد معاكي شوية عشان معدناش .. اهاهاهاها
- انت بتستخف دمك?!
= انا آسف يا فندم بيطلبوا مننا نهزر مع العملاء لما يبقوا متضاييقين.. عموما يعني
حضرتك ممكن تطفي التكييف دلوقتي?!

- إشمعني؟! = التكييف مبرد الجو يا فندم .. مقاومات الراوتر من جوه بتبرد ومبتقومش بمهمتها
فالت بي فصل
- والله؟! = المقاومات لازم تسخن شوية يا فندم .. نظرية فيزيائية كهربية معروفة يعني
- طب أعمل ايه برضه?! = سخني المقاومات يا فندم.. سخنيها
- أسخنها ازاي يعني = أرقصيلها .. أهاهاهها
- = أنا آسف بجد والله بيطلبوا مننا نهزر مع العملاء وهما متضايقين
- لو سمحت أنا ماسكة لساني لحد دلوقتي = طيب ممكن حضرتك تظفي التكييف شوية
- الجو حر جدا = إفتحي الشباك يا فندم بلاش سهوكة بقي مش فاضيين .. اطفي الزيت اخلصي
- إتكلم بأسلوب أحسن من كده = طب بعد اذن حضرتك اخلصي اقفلي الزيت .. يو هابي ناو?!
- الله يحرقك.. موظف غتت .. طفينا الزيت = سخني المقاومات بقي
- أرقصلهم ها?! = هنهزر يا فندم?! .. ما تحطي الراوتر في الفرن احسن
- أعمل ايه يا عم الفاني إنت إنجز = حطي الراوتر في أشعه الشمس يا فندم من الشباك كده.. وحطي إيدك عليه
عشان تحسي لما يبدأ يسخن
- ولما يسخن?! = التيار هيمشي أسرع والنت يبجي وتلوج إني وتصدعينا ببوستاتك المقرفة تاني

- احترم نفسك
 = ماشي ماشي .. خليكي سايباه في الشمس بقي وانا معاكي اهو
 - متشكرة لسيادتك
 = العفو يا أختي .. بدأ يسخن؟!
 - لأ
 = طب ممكن ترفعي إيدك لفوق كده بالراوتر.. قربه شوية من الشمس عشان
 يسخن أسرع
 - إنت عبيط؟!
 = ننجز بقي
 - أهو.. اما نشوف.. هيشغل كده؟!
 = لأ
 - أفندم?!
 = مش هيشغل والله .. بس خليكي رافعه إيدك ومزنبه نفسك كده
 - يعني إيه مش هيشغل.. او مال مقاومات وشمس.. وسخني الراوتر
 = ما انتي بتسخني أهو يا فندم .. حلو أوي البادي الكات النبيتي ده.. مبيتزحلقش
 !?
 - باد... بادي.. إيه?!
 = أنا أحمد ابن الجيران يا هند.. واقف قدامك اهو في الشباك بصي.. مبيتزحلقش
 البادي ده !?!

فلا تئين وهرايا

- = أميرة صاحبتني عارفها؟! .. السمرة شوية دي .. خد بالك هي سمرة فعلا سيبك
من البودرة اللي في وشها.. ركز علي إيدها كده؟!
- معرفهاش
= المهرهه في هدومها دي وملهاش منظر؟!
- اتني بتفكريني بيها ولا بتهيننيها مش فاهم
= عارفها يعني?!
- وات ايفر يعني مالها
= صاحبها أحمد المعفن ده عارفه?!
- يا بنتي ما تجربي تقولي المعلومه مباشرة .. حاولي تبقي طبيعية بقي
= المهم يعني.. جابلها خروف هدية
- بتتوحم علي الليه بتاعته يعني?!
= يا ابني دميمة خروف
- بيعاملها معاملة الحيوانات ليه يعني
= لا مهو زي الدبدوب كده
- ما الدب حيوان برضه
= العيدية بتاع العيد يا ابني
- آآآه .. كويس
= كويس وبعدين?!
- بعدين إيه?!
= متفهم بقي.. عاوزة خروف هدية
- ليه شايفاني أم حسن?!

= تۇ

- يا بنتي هتسفيدى ايه يعنى بخروف لعبه محطوط قدامك مستغل حيز من الفراغ
وبيلم تراب علي الفاضي.. طب اطلبى حاجه بتتاكل

= طب عاوزه آكل

- لا يا حبيبتى استحملي عشان الدايت ..

= دايت ايه أنا بقيت ٤٠ كيلو

- عادى انزلى كمان ٥ أنا بحب اللي عندهم سل .. عارفه البنات الكينية؟! أنا بنجذب
جدا ليهم

= إعزمنى طيب علي آيس كريم

- يا بنتي عشان أعرف أشيلك يوم الفرحة .. ما تهيجي وتسكتي بقي

= يعنى ايه أحم؟!

- قولي هيج

= طب ابعثلي مسج كل سنة وانتي معايا

- يا بنتي محنا مع بعض أهو.. مسج ليه بس ايه الفكرة يعنى..

= هعملها اسكرين شوت وابعثها جروب الواتس بتاع أصحابي ..

- شوفتي الوساخه؟!

= يا ابني عاوزة أترسم.. إرسمني حتي

- يا بنتي ملهاش أي أوجه استفاده .. دي خصوصياتنا متهمش حد .. أقولك أطلبى
حاجه ملموسة

= طب عاوزة فلوس عيدية

- خلاص أطلبى حاجه محسوسة

= طب عاوزة آكل

- ما قولنا الدايت والكينيين!..

= أنا تعبت

- يا بنتي والله كلها حاجات زائلة.. الدنيا فانية .. وملناش غير عملنا ..

= طب خلاص تعالي نروح صلي العيد مع بعض

- ببقى سهران مع صحابي .. عاوزاني أفوت ثواب يوم الوقفة !!?

.... =

- بصي.. خدي جنيه ورق أهو.. استني أكتبك عليه كل سنة وانتي طيبة

= ماشي أهو أي حاجه منك.. عاوزة أفرح.. وحشتني الفرحة

- ولا تسييه أركب بيه مترو أحسن !!?

قصي شعرك ولا تطوليه ؟

- = عاوزه أقص شعري.. إيه رأيك ؟!
- يا ربي
- = في إيه ؟!
- ولا حاجه.. ها تقصيه إزاي ؟!
- = شوفت منه شلبي في وسط البلد ؟
- لا وسط البلد بقي كلها سرسجية وبنات مفخده
- = يا ابني فيلم وسط البلد
- وات ايفر
- = أنا عاوزه أقص شعري نفس القصة
- همممم
- = صحابي بيقولولي هيبقي حلو عليا .. عارف ؟! البنت لما بتقص شعرها بتبقي ..
- أيوة أيوة بتبقي عاوزه تغير حياتها .. وبتخسر أغلي حاجه عندها عشان تتعلم إن
- أي حاجه بعد ممكن سهل خسارتها
- = لا عادي بتبقي عاوزه تعمل استايل جديد يعني
- اها
- = بفكر كمان أصبغه رصاصي.. أو أحمر.. في لون حلو كده استني أجيبك صورته
- هو ليه كده يعني يا رب ؟! .. هو انا عملت ايه في حياتي يعني ؟!
- = في إيه يا حبيبي ؟!
- هي رغبه التجديد مش وحشه.. عادي يعني كلنا بنحب نجدد.. بس الفكرة كلها
- في الاستفادة من التجربة .. لا يلدغ مؤمن من جحر مرتين
- = في ايه بس ؟

- في ملل.. في حياه بتعاد وتكرر.. في كليوهات عدت.. موتوسيكلات عدت.. انتي مبتزهقيش؟! =

= يعني انا غلطانه انا بفضفض معاك؟! =

- دي المرة الكام اللي تفتحي موضوع شعرك؟! =

= مش فاكرة =

- عشان كثير .. بتقصيه وترجعي تندمي .. وتشتمي نفسك وتضربي نفسك زي

الشيعة في عاشورا.. وضحاله عقلك هي هي مبتتغيرش.. نفس البق المعفن اللي

بسمعه اول ما شعرك ما بيدأ يشد حيله ويطول

= منا محبوبش طويل؟! =

- عشان بيقصف ويلف ويبقي خواتم فضا مقاس ٢١ .. انتي ربنا خلقت كده.. عادي

جينات .. انا جيناتي مطلعالي حسنه في نص وشي ومبتكلمش وراضي

= اه فعلا شكلك يع

- يع ايه يا بنت الجربانه انتي .. عماله تقصي وتفردني وتصبغي ليه يا متخلفه.. انتي

محجه اصلا!!! =

= وفيها ايه =

- ايوه يعني بتصبغي لمين؟! مين بيشوفه؟! ابوكي وامك واخواتك؟! ايه السكسي

في كده مش فاهم .. بتصبغيه عشان تقعدني بيه في البيت تفرجه لحيطان بيتكو

وددوبك؟! =

= اهو اي منظر يعني بدل منا مليش لازمة كده

- مش مقنعه يا بنتي .. انا قولت مثلا البت بتعمل كده عشان تتصور وتنزله علي

انستا.. رغم انه مبدأ تناققي كبير.. بس في حالتك عادي يعني

= يعني اتصور علي انستا بيه؟! =

- ده اللي كان في بالي لما لقيتك عاملة الاكونت برايفت وقفلاه.. قولت البت خرباها

هوت شورت ولا ايه.. الايكي منزله صور كلاب وقطط ودباديب؟!!! =

= منا بنزل صور سعاد حسني

- دا أنيل.. والله أنيل.. ما تقعدني ساكته كده وهاديه وطيبه.. وتفكري في حاجه

كويسة.. بصي فكري في الأسئلة الوجوديه وإلحدي.. ما تلحدي صحيح؟!

= يعني إيه أُلحد؟!

- يا ربي

= يعني ايه طيب؟!

- بصي.. انا شايف انك فعلا لو قصيتي شعرك هيبقي شيك جدا واسبور.. لا وشكل

جديد كمان.. وهيليق عليكي

= بجد؟!

- أه طبعا.. انتي اصلا وشك فوتوجينيك ومن ذوات الدم البارد.. يعني الشعر القصير

اصلا مخلوق عشانك

= حبيبي والله

- بنت دين الحب والله

= حبيبي امووااه

- هااح

متقدم ملك عرسان كثير لها؟

= انا متقدملي عرسان كثير اوي بس انا اللي برفض..!

- ليه؟!

= عشان مش عاوزة اتجوز دلوقتي

- لا ليه بيتقدمولك اصلا؟!

= عشان نتجوز يا ابني

- ليه؟!

=عشان نستقر

- ليه؟!

= عشان الجواز استقرار..!

- ليه؟!

= عشان هتخلف وتبقي مسؤول عن بيت وأسرة .. !

- فين الاستقرار في إنك تسيب حياتك البسيطة الي انت رئيسها وملكها الوحيد..

وتروح لحياه تانيه مليانه مسؤوليات وطلبات؟!

= مش عارفه بس هو استقرار..!

- فين الاستقرار في القلق ومتابعه أسعار عمليات الولادة ولبن الأطفال وعلب البامبرز.

..؟!

= هذا ما وجدنا عليه آباؤنا

- فين الاستقرار في طلبات الخروج المتكررة وطلبات الاهتمام.. و تبرير أسباب غيابك

الي عمرك ما فكرت تبررها وانت وحيد ومسؤول نفسك؟!

= يا ابني خلاص مكنتش كلمة

- فين الاستقرار في القلق والتفكير في مناخ وشكل الأطفال الي جيبتهم نتيجة

رغبه اشباع نزوتك في كام ليله.. كانت نتيجتها ناس اتعلقت في رقبتك وانت سبب
 وجودهم في مناخ زي ده
 = تسمع عن ديوركس؟!
 - فين الاستقرار في زيادة ميزانيه شهره .. لء أضعاف؟!
 = مش عارفة
 - انت مش محتاج حد يقنحك بواقع قدامك.. الحياة واضحة لكل الناس.. اللي بيبيص
 كويس بيشفوف كل حاجة.. اللي عايش في ماية البطيخ مفكر الناس بتبليط معاه
 = بطيخ إيه؟!
 - متتصنعيش اهتمام الناس بيكي.. انتي بائسة يا بنتي وواضح في زيادة كمية مكياجك
 رغبتك الفجة في لفت الأنظار ورغم كده فاشلة في تحقيق هدفك
 = بس بقي
 - محدش فاضيلك ومحدش فاضي يهتم بحد دلوقتي وكل واحد بيفكر في نهاية
 سعيدة وغير مؤلمة لحياته المملة ومحدش عنده رغبة في تزويد مشاكل حياته
 = عندك حق
 - ليه؟!
 = عشان محدش عاقل دلوقتي بيفكر يتجوز
 - ليه؟!
 = عشان الحياة المنفردة أحسن و أوفر وأهدى و أبسط و أريح
 - ليه؟!
 = ما خلاص يا احمد في ايه
 - ايه؟!
 = قلبظ بجنيه يا أحمد
 - شيبسي وكاراتيه
 = ما خلاص بقي يا احمد والنبي انا زهقت بجد
 - في حد بيتقدملك؟!
 = ولا كلب بلدي والله

- و بتقولي كده ليه ؟
- = عشان تيجي انت تتقدملي انت
- هتعملي كده تاني؟!
- = لا اخر مرة والله
- تمام ..

ازای تعامل مع الحن

= حبيبي

- نعم ؟

= السما بتعيط

- أوَمري ؟!

= السما.. بص السما ؟! بتعيط

- بتشتي ؟

= أيوة .. بتعيط

- لا حول ولا قوة الا بالله

= حاسس بجو الرومانسية ؟!

- لا أنا حاسس برعشه كده في كتافي .. برد.. برد بعيد عنك

= برد ايه بس .. دوق معايا حلاوة الحب .. دوق دوق

- دا انتي هتدوقيني المرار والسواد في حياتي

= ههشش .. مطر يعني حزن.. يعني دفا .. يعني الناس في عز البرد يجروا ويستخبوا

.. وانا أجري وأخبي نفسي قوام في قلبه

- يا حبيبتي دي إليس

= إلييسه ؟!

- ايوه اليسه .. عايشه في كومباوند راقى متحضر .. وحبيبها عايش لوحده ومفيش

بواب .. تجري وتروحه عادي صباح الفل..

= وايه المشكله ؟!

- انتي لو هتجري وتجليي تخبي نفسك قوام في قلبي.. هتلاقي أبويا اللي بيفتحك

وهيخبينا احنا الاتنين تحت باطه ويغتصنا .. !

= توء.. يا ريتنا كنا متجوزين ..
- انتي كنتي مفكرة إن المتجوزين بيمارسوا حياتهم الطبيعية ويتدفوا في بعض والجو
ده صح ؟
= اكيد
- انا كنت فاكر زيك كده .. لحد ما واحد صاحبي متجوز وحكالي بقي.. .. قالي مراته
فضلت تبوس فيه.. تبوس فيه.. تبوس فيه
= هااا!؟
- لحد ما قلعتة الكلسون
= أيوة ؟
- ولبسته هي .. بردانه .. بردانه يا بنتي!!
= طب قوم نمشي ونرقص تحت المطر .. قاتلتلي ترقص.. ترقص.. ترقص حافيه
القدميين
- ده برضه كاظم.. عايش في مجتمع راقي نضيف متطور.. تنزل مايه المطر علي ارض
نضيفه وتجري علي بلاعات تنقيه وتنضيف ..
= وايه المشكله!؟
- احنا هنا جردلين المايه اللي بيرشهم عم سعيد القهوجي الصبح بيقلبوا الشارع
طين .. نرقص تحت مطر ايه هتتزلحلي وتقعي يجيلك كسر في الحوض ولا عظام
الجمجمه وانتي عندك فتاق في كرشك و مش ناقصه
= طب نمشي عادي .. ايدي في ايديك وعشان خاطر عينيك هعمل المستحيل بوعدك
- ده برضه حماقي
= ماله هو كمان
- ساكن جنب اليسه وكاظم في نفس الكومباوند
= يادي الكومباوند ده
- يا بنتي الشتا هنا بتلاقي الناس بتجري وتروح بيتهم والشوارع بتبقي خاليه ومرعبه
ومرييه.. لو اتمشينا خمس دقائق هيطلع علينا شمامين الكولة الي مش مستوعيين
احنا في سنه كام اصلا ويقلبونا ويقطعولك هدومك وهما مكتفني وانا مش يوسف

منصور يعني عشان أنقذك

= توّ .. طب هات جاكتك طيب .. !

- نعم يا اختي!؟

= رجع شريط حياتك قلب في ذكرياتك هتلاقي حبيب وفالك.. اتمحمد فؤاد طيب

- ده برضه فؤاد ..

= يوووو

- عادي بالنسباله يجيب جواكت ويوزعها علي حبايه ويقلعلهم .. أنا أبويا ممضيبي

علي وصولات أمانه حق الجاكت الي جبهولي ده .. !

= هديهولك تاني بس هات بقي نعيش اللحظة

- برضه محمد فؤاد كان عنده لحم كتاف ودهون بتدفيه لو قلع جاكته وهي بتمطر

.. أنا الريش بتاع قفصي الصدري تقريبا قاعده بره أصلا .. متجمده .. حرام عليكي

= انت محببط

- أنا واقعي

= يعني هتفوت اللحظة الي مستنياها بقالي فصلين!؟

- لا طبعا. .. انتي تقومي تروحي دلوقتي .. وتشتري كيلو عدس بجبهه وجزر وتوم

وتعملي شوربة عدس ليكي ولأمك واخواتك وتقعدهوا تدفوا كده تحت البطانيه

وتشربوا

= وانت فين بقي من كل ده ؟

- انا هبقي بشرب عدس مع ابويا برضه تحت بطانيته

= يا حبيبي كده الشتا هيروح

- يا ستي في داهيه.. يلا من البرد ده بدل منا الي أروح منك.. يلا قومي ربنا يهديكي

.. قومي ..!

سجل ووشه نور

= شايڤ دي؟! .. أميرة من اسكندرية.. ٢٨ سنة هقابلها الأسبوع الجاي
- امممم

= دي بقي عبير ١٨ سنة مدينة نصر .. اندرايدج آه بس كبراج
- احم

= دي ولاء ٢٥ المعادي .. عندها كيا سيراتو وبنقف علي جنب ونرفع الازاز عادي
- آه

= بتتحسر علي نفسك!؟

- إيه؟! لا عادي

= لا بتتحسر .. بس انت اللي عملت كده في نفسك

- أنا؟!!

= كل أصحابنا بيتكلموا عليك علي فكرة

- كلهم؟!!

= آه. بيقولوا بقي شاب مكرونة خالص

- مكرونة؟!!

= آه.. البنه دي عارفها؟! المخرمة دي

- طب بس

= دي الحقيقة .. بقيت بتسيب قاعدتنا الحلوة الجميلة اللي مليانه كلام ذكوري

وسف وتروح تقف في جنب وتتكلم في الموبايل ساعتين تلاته وانت باصص في الارض

وبتضرب الطوب برجلك ..

- منا لو مكلمتهاش هتبقي مشكلة ونكد وخناق وطلبات اهتمام وانا مش ناقص

صداع.. بتجنبها .. دي لما بتتشعوذ بتكفرني

- = مش مكسوف من نفسك؟!
 - مكسوف
 = مديله باسوورداتك ومبتعرفش تعمل آدد ولا تحك في مسج حتى؟!
 - لا.. لا
 = بتتصل بيك كل شوية عشان تشوفك ووييتنج ولا لا
 - بس بقي
 = بتاخذ موبايلك وتقلب في واتسك؟!
 - آه.. آه.. آه * بيعيط *
 = بقيت شاب مستعبد غير قادر علي اللعب بديله ولا التمتع بمميزات انه شرقي؟!
 - بس بقي
 = احتماليه انها تسيبك قد ايه؟!
 - مش عارف
 = بالحسابات الرياضيه والعلميه.. فده موضوع في علم الغيب بنديله احتماليه
 نجاح وفشل خمسين وخمسين
 - تمام
 = خيلنا نتكلم في الأسوأ انه هيفشل .. هتبقي ضيعت أجمل سنين حياتك وأواخر
 عشريناتك في علاقة حرمتك من لذات الحياة فور ناتج
 - فور ايه؟!
 = ناتج
 - أيوة
 = حتي في احتماليه نجاحها.. فانت هتبقي داخل ظلام أكبر..
 - اكثر من كده؟!
 = طبعاً.. بالاضافه للنكد والخنقة والسجن اللي هتعيشه هيبقي في اطفال سمجه
 وعياط وصوت عالي وعدم نوم وبامبرز وبودرة تسلخات
 - ليا؟!
 = ليك ولولادك ما انت هيجيلك تسلخات برضه

- يا ساتر
= طلع موبايلك
- ليه؟!
= طلع بس .. هات المسجات.. ايوة.. اكتب
- ايه?!
= مش عاوز اعرفك تاني
- م .. ش.. عا.. وز.. أع.. رفك .. تا.. ني
= يا وسخه
- ما بلاش
= لا اكتب يا وسخه اسمع الكلام
- يا.. وس.. خه
= دوس ارسال بقي
- ارسال
= بس اقفل موبايلك بقي وتعالى اقعد معنا نكمل حياتنا الطبيعية الجميلة .. يالا
قوم والله وشك نور..!

كوميريه نسائيه قاتله

- = استني يا حبيبي هحكيلك حاجة تضحكك..
- والنبي بلاش
= هههه استني بس بجد هقولك .. عارف أميرة صاحبتني؟! هههه اللدغه دي
- اه
= كنا راكبين الميكروباص ههههه
- أوْمري؟!
= استني هكمل.. مش قادرة من الضحك
- يا رب
= ههههه.. كنا ههههه
- أم حياتي
= خلاص همسك نفسي.. كنا راكبين الميكروباص تمام.. فهي لدغه انت عارف يعني.
- فعاوزين ننزل حته اسمها روكسي
- يا رب ما يطلع الا فيه اللي في دماغى
= ههههه.. فبتقول للسواف يوكسي يا أسطي يوكسي.. هاهاهاهاهاهت. اخخخخخ.
اععاعااا.. خوووووخ
-
- = السواق ضحك والناس ضحكت وصاحبتني بقي شكلها ووححش يا لهوي
- خدي هقولك
= نعم؟!
- قربي
= هتضرب?!

- لا والله هنتكلم بالعقل بس
 = هو العقل بيتكلم؟! ههه .. عقل متحدث.. اسمارت عقل ههه
 - أقسم بالله بالكبايه في وش أمك وهخلص منك ومن حياتي
 = آسفه
 - تعرفي ان ربنا خلقنا مختلفين صح؟! .. يعني خلق الذكر أقوي عشان مهامه
 الوظيفية والمجهود العضلي اللي بيعمله.. خلق الست حلوة وجميلة كده وعندها
 قبول عشان نحبها
 = يعني أنا جميلة؟!
 - طول منتي ساكته يا ساره.. طول ما انتي ساكته بتبقي جميلة.. بحبك.. بحس إني
 أحسنت الاختيار.. حياتي بتبقي كويسة
 = طب ايه بقي
 - مجرد ما بتتكلمي بكره حياتي.. ليه يا ساره؟! ليه يعني؟! ليه تكرهيني فيكي..
 ليه يا ماما?!
 = يعني متكلمش?!
 - حاولي.. حاولي بجد.. شاوري ممكن.. هفهمك والله.. علي الأقل متهزريش.. دمك
 مش خفيف.. والله لو خفيف هضحك وهحبك اكرت كمان
 = يعني انا وحشه?!
 - مش انتي لوحدك.. عادي دي خلقه ربنا.. دي جينات نسائية يا قلبي .. غضب
 عننا هنعمل ايه.. هند صبري فشلت.. داليا البحيري فشلت .. مي عز الدين مكفرة
 ميتين ابونا .. سيبيني أحبك بقي
 = حاضر
 - ساره?!
 = نعم
 - سيبيني أحبك يا ساره
 = حاضر
 - متنهيش علاقتنا الجميلة دي لمجرد اشباع رغبه عمرها ما هتتواجد جواكي.. انتي

مش حلمي ولا مكي يا ساره

= طب أعمل اية طيب

- متستخفيش دمك تاني تمام؟! .. لما تحبي تضحكيني قوليلي إضحك.. بس كده..

قوليلي اضحك هضحك علطول ومتبذليش مجهود اتفقنا؟!

= اتفقنا

- قولي والله

= والله

- علي خيرة الله.. ربنا يهديكي يا رب

=

-

= ...

-

= طب عارف سعاد صاحبتي القصيرة!!؟

علاقات قذرة

- = يارا أحب أعرفك على صديقى مروان .. صديق عمرى !
- هاى يارا .. أحمد كلمنى عنك كثير .. فرصه سعيده وفرحان انى أخيرا قابلتك !
هاى مروان أنا أسعد والله .. أحمد قالك ايه بقى ؟! \$
- والله هو كلام كثير .. مش فاكرا بالظبط لأننا بنبقى مش فى وعينا ساعتها !
مش فاهمه ! \$
- حشيش !
نعم ؟! \$
- تقفيش ؟!!
ايه ؟! \$
- أغمس عيش !!
بتقول ايه ! \$
= ايبويه .. هاهاهاه .. معلش هو مروان بيحب يهزر .. اتفضلوا اقعدوا .. اقعد يا
مروان اقعد ابن الوسخه !!
- قعدنا يا عم .. تشرى ايه يا يارا ؟!
اممممممممم .. أنا جعانه .. هاكل بقى الأول .. هاخذ دينر ميل واكسترا بطاطس \$
وبييس وكول اسلو .. وانت هتاخذ ايه ؟!
- لو أنا اللى هحاسب هاخذ فيها !!
ايه ؟! \$
- أحضنها وأدفيها !!
أنا مش فاهمك ! \$
- أحسس عليها !

أحمد هو صاحبك طبيعي؟! \$

= والله أنا مأكد عليه ميسفس حاجه انهارده وحلفلى إنه هينزل فايف .. بس تقريبا
كده قرر يصوم ٣ أيام! .. مروان إهدى والنبي متضيعش يارا دى آخر حاجه بقيالى
فى دنيتى!

- يا ابنى دى بتقولك جعانه .. يعنى طالما عارفه إنها هتقابلك مكلتش ليه قبل ما
تنزل .. دى أساسا هتلاقيها مجوعه نفسها من أول امبارح عشان تلبسك .. وع فكره
هى فاهمه كل كلامى وبتحور!

ع فكره أنا مش فاهمه حاجه .. وبجد إنت قليل الذوق! \$
- ألعب وأدوق!

\$

- البرقوق!

\$

- طب نطلع فوق!?!

لا بقولك إيه مش عشان ساكتالك تسوق فيها .. إنت مفكرنى كيوت?! \$
- بصراحه أه!

فى الشارع اللى وراه! \$

= أحاه!! ..

ايه يا جدعان فى ايه ما تهدوا شوية ..!

- أهدى ايه يا عم .. البت دى أنا عارفها .. وشوفت صورها على الفيس فى بيدجات
تعارف خلايجه .. وأمها إسمها منال .. أربيعينه مطلقه .. دفعه أبويا .. وأبويا بيحولها
كروت شحن ومقلباه وساكت .. وعلى رأى المثل .. إقلب البت على فمها!

= الإدره! إقلب الإدره!

- لا يا عم اقلب البت إسمع منى!!

= على فمها!?

- أو ضرها براحتك!!

لأ أنا مقبلش الكلام ده .. يا تمشى صاحبك يا إما أنا اللى همشى! \$

= صاحبي معلش ممكن تمشى .. أنا بحب يارا جدا معلش ومقدرش أمشيها !
 - عبير جايالى بالليل الشقه !
 = بقولك بحبها !
 - مفيش حاجه اسمها حب يا أحمد .. عبير هتبات معايا ؟!
 = مينفعش يا مروان .. صدقنى بحبها !
 - عبير اللى بتلبس عبايه سمره ضيقه !!
 = اللى بتعدى من قدام القهوة دى ؟!
 - اللى نافخه شفائف ومناطق تانيه كمان !
 = طب قشطه يا يارا قومى انتى وحاسبى على ازاة المايه دى قبل ما تمشى !!
 واللى بينا يا أحمد ؟ \$
 = عبير هتاخده يا يارا .. بجد هتاخده !!
 ندل وقذر .. سلام ! \$
 = فى داهيه .. صاحبي إنت متأكد من عبير ؟!
 - تشوف صورها ؟!
 = أوى !
 - أطلبلى الدينر ميل بقى بس مش عاوز بطاطس !
 = قشطه ..
 جارسون !!

ما تصمي يا آنسه

- = لو سمحتى ممكن دقيقه من وقتك !
- عادى كده؟! .. جاى تكلمنى بالسهوله دى .. أفندم قول إنك بتحبنى بقى !
= بحبك؟!
- هتنكر?!
= لا مش هنكر بس هو انا معجب بيكى .. وبصراحه جاى أعرض عليكى الارتباط !
- إنت مدرك اللى إنت بتقوله?!
= أه عادى ايه المشكله !
- إنت تقدر ترتبط أصلا?!
= عشان قصير يعنى?!
- تقدر تفتح بيت؟! .. تقدر تصرف ع عيله?! .. تقدر تتحمل مسؤوليه?!
= إنتى فتحتى أحلامك أكثر من فتحه فستان نانسي عجرم ف آه ونص !!
- طب بلاش .. تقدر تتقدم لبابا?! .. تقدر تجيب شقه .. عفش .. فستان .. تكاليف
مكياجى اصلا?!
= يا بنتى أنا طلبت الإرتباط فقط .. فقط !!
- منا فاهمه .. ما هو الإرتباط ده هيوذى الى إيه?!
= يا بنتى ف لسه مراحل كثير جدا إنتى عدتها .. لسه مخرجناش .. لسه مفيش
كافيهات .. محاوله مسك ايد .. عياط ع حاجه تافهة فأحضنك .. ريليشن فيس ..
بوس أسانسيرات !
- نعم?!
= أيوه أيوه هتعترضى وتقولىلى ميصحش .. هخونك .. هتكتشفى خيانتى .. هقولك
ما إنتى اللى منسفاها عليا .. بعدها بشهر مش هنتقابل غير ف أسانسيرات وإنتى

الى هتطلبى !!

- ألفاظك !

= يا بنتى أنا عرضت عليكى الإرتباط بس .. إنتى أحلام يقظك خلتك تنطى ٣ أو ٤ سنين فى دقيقتين ليه .. إنتى فاشله وبائسه ف كل حاجه .. مش عارفه تشقطنى عريس .. إنتى أحلام يقظتك بتراودك ف كل مكان !

- يعنى ايه ؟!

= يعنى تفكيرك فى العريس .. وكلام الناس .. وهنفرح بيكى إمتى .. وشكلك قدام المجتمع .. وصحابك اللى بيتجوزوا كل يوم .. خلوكى معنديش أى شعور بالزمن أو المكان أو المكانه اللى إنتى فيها .. بتحلمى وأحلامك مأثره ع الواقع بتاعك !

- حاسه إنى دايله !

= افتحى عينيكى وبصى حوليكى .. سيبى أحلام يقظتك وارجعى للواقع بتاعك !
- أنا.. أنا..

= ايوه حاولى تستجمعي ذاكرتك!

- ده مكتبي.. ده مكان شغلي!

= بالظبط!

- و إنت جاي تتقدملي ؟!

= لا أنا مواطن عادى يا آنسه وإنتى موظفه هنا فى الشهر العقارى .. وجاى عشان حضرتك تخلصيلى الورق بتاعى .. جواز ايه وارتباط ايه ؟!!

التحرش مهنتي يا أستاذ

- = هعطلك معلش .. ممكن سؤال؟!
- انجاز بس عشان الشغل كتير انهارده الجمعه!
= أنا ملاحظ إنك واقف بقالك ساعتين ع الكورنيش هنا .. معاكسه وتحرش وعمال
تضرب ومع ذلك مستمر!
- أكل العيش!
= ما تتجوز يا عم!
- منا متجوز!
= طب وليه الوساخه?!
- يا عم بقولك شغل .. والإيد البطاله نجسه!!
= قال يعنى لما تتحرش هتطهرها!!
- ده مش تحرش .. دنا شايل عنكوا بلاوى!
= اكسبلين بعد اذنك!
- هكسبلينك .. عارف إنت البنات اللى قارفين ميتينك ليل نهار كلام عن التحرش
والحريات والقيود والمجتمع المتعفن والذكورى والبيض ده?!
= ماليين الدنيا!
- أهم دول بقى ٩٠% عمرهم ما حد اتحرش بيهم أصلا .. ومعظمهم فلات وأندرايدج
ومحدث بيعبرهم!
= يو مين ذات?!
- بيس فور شور .. أهو دول بقى عملوا تعاقد معايا .. كل يوم يعدوا من هنا ..
وأنا أنفذ بنود العقد .. ف عقود معاكسه لفظيه .. ف عقود لمس .. ف عقود فركشه
خطوبه كده يعنى!

= یعنی ایه فرکشه خطوبه ؟!

- یعنی واحده قرفانه من خطیبها .. وبتکلم صاحبها علیه .. وهو لازقه .. بتجیبه هنا .. وانا أعاکسها .. وهو طبعا هیهرش فی دقنه ویتوه .. تقوله انه مش راجل وتحکی لביاها وتسیبه !

= طب ما ممکن یضربک !

- هتقول علیه بیعمل مشاكل وفضحها فی الشارع وتسیبه برضه .. الزراق الی تحت عینی ده مش من فراغ !

= أه .. یعنی مش بتتحرش غیر بزاینک بس .. البنات التانیه عادى ؟!

- أه طبعا .. التزامات وشروط عقدی بتقول كده .. ممکن أنفرج بس من بعید یعنی !

= أنا كنت واخذ فكره وحشه عنك جدا .. بس إنت طلعت مكافح !

- تسلم ایدی والله !!

= ف انواع عقود تانیه ؟!

- عقد شهره .. أقف أتحرش هنا .. والزبونه تصورنی وتنزل صورتی ع السوشیال میدیا وتحکی واقعه تحرش متبوعه بهاشتاجات .. وشیر بقى !

= وع كده مش بیتقبض عليك !

- لأ .. أنا دارس تنمیه بشریه وبعرف أعمل حسان بالموتوسیکل بتاعی الی قدامك ده .. و بفلت من القبض علیا بطرق کثیر !

= یعنی ممکن أشتغل معاك عادى ؟! . أتحرش عادى ؟!

- أه طبعا .. استنى یاسمین جایه هناك أهى .. دی زبونه هنا برضه .. لما تقرب مننا اشتغل !

= ودى نوع العقد بتاعها ایه ؟!

- دی متعاقده معایا أنا .. لما یكون مفیش شغل بتعمل حس فی المکان .. ولیها فواید تانیه کثیر هتعرفها دلوقت .. اتحرش بس بسرعه یالا !!

* بیتحرش .. بوكس شرطه بیقف بسرعه .. اتین عساكر بینزلوا یمسکوه *

- هو ده یا باشا الی مقضیها تحرش کل یوم هنا ع الکورنیش .. حتی اسأل یاسمین

خطیبتی !!

* بیقرب من ودنه ویهمس *

- مش قولتلك بفلت من القبض علیا بطرق كتیر؟!؟

* بیاخذ یاسمین وراه عـ الموتوسیکل ویعمل حصان وپیشی *

نهاية العالم

* داخل مكوك فضائي .. ضوضاء عارمه *

= حضرتك عامل دوشه ليه يا فندم!؟

- التكييف مش شغال .. دا لو أوتوبيس دهب للسياحه مش هيبقى كده !!

= تكييف ايه حضرتك .. انت تحت منك محرك حرارته ٣٠٠٠ درجه .. تحمد ربنا إن

جلدك مبيتسقطش ع أرض المكوك يعنى !

- طب عموما خلاص أنا صلحت التكييف .. سلكت الخرطوم خلاص أنا مش محتاج

منكوا حاجه !

= وبعدين ايه الشنطه دى كلها .. مش احنا قولنا بلاش أى حمولات زايده!؟

- حضرتك انا لو طالع راس البر باخد ٣ شنط وكيستين بلاستيك .. دلوقتى طالع

كوكب تانى .. مخودليش ١٤ .. ١٥!؟

= احنا قولنا كل الاحتياجات هتلاقيها هناك .. جايب ايه انت بقى!؟ .. فتشولى

الشنطه والحاجات الزياده ارموها !

- بس محدش يلعب فى السوسته الصغيره بعد اذنكوا !

= ده ايه!؟ .. كروت شحن!؟

- حضرتك أنا قولت أكيد محدش هيلف ع الركاب هنا بكروت شحن يعنى ..

فقولت أعمل سبويه كده !! .. والباقي هخليه معايا أشحن هناك .. أكيد لسه مفيش

سنترالات هناك وعاوز أشحن و أطمئن أهلى عليا برضه !!

= ودى ايه!؟ .. مش دى حنفيات الحمام .. يا دين أمى .. إنت فكتهم وخذتهم!؟

- ف دى عندك حق .. بس دى عادتى آسف .. بس ادخل حمامات أى قطر درجه

تانيه مطوره وهتعرف .. هركبهم فى بيتى هناك .. واللى يحتاجه البيت يحرم ع

المكوك معروفه يعنى !!

= حشيش!؟

- حضرتك قولت إن كل الاحتاجات هناك .. في هناك حشيش؟! .. متقنعينش يعنى !
 = هربطك من ودنك في الكرسي وربنا !
 - طب هנוصل السفينه الأم امتى؟!
 = لا احنا رايعين ع الكوكب ع طول .. وهناك هتترحل ع مستوطنه المصريين !
 - هلاقى هناك السفينه الأم؟!
 = يا ابني ايه السفينه الخره دى؟!
 - ما أكيد في سفينه أم يعنى .. كل أفلام الفضاء فيها سفينه أم !
 = لا احنا معندناش !
 - طب عاوز أولع سيجاره !
 = وترحم دين أمى؟!
 - أه !
 = اتفضل بس بسرعه ومتشربش غيرها عشان مفيش معنا أكسجين كثير يادوب
 الأكسجين اللي يوصلنا !
 - يوصلنا للسفينه الأم؟!
 = محروق أم السفينه الأم يا أخى .. خلوه يشرب سيجارته وإربطوه ف الكرسي
 وميتحركش !
 - خلاص يا باشا أنا آسف .. بس ده جزاقى إني صلحتلكوا خرطوم التكييف يعنى ..
 عموما أنا هشرب سيجارتي وأقعد ومش هتكلم؟!
 = هو ايه الريحه الغريبه دى؟!
 - دى جايه من هناك .. من التكييف؟!
 = إنت فتحت خرطوم الغاز؟! .. أحيه متولعش السيجا...
 * المكوك بينفجر *

عندك مانحه رخيصه يا عادل ؟

= هتطلب حاجه دلوقتي يا فندم ولا أستنى شوية ؟!

- لأ هطلب يا ... ،، إنت إسمك ايه ؟!

= عادل يا فندم !

- شغال هنا من زمان يا عادل ؟!

= يعنى تقريبا ٥ سنين يا فندم !

- ٥ سنين ! .. مش شوية برضه .. أكيد طبعا بتعاني بس صابر ع الشغل عشان مفيش

حل تانى ؟!

= يالا الحمد لله !.

- حسيت بظلم وعانيت كثير من بطش وتكبر وعنظة الزباين اللى بتيجى هنا ف

مكان فخم زى ده صحيح ؟!

= يعنى أحيانا !

- هما شايفينك ف Level أقل منهم .. بيبصوك من ناحيه ماديه بحتة .. مع إنك

متفرقش عنهم كثير وجايز أحسن منهم كلهم .. هما أعلى منك لمجرد إنهم إتولدوا

من صلب راجل أعلى من أبوك وهكذا دواليك وإنت تكره ذلك .. أليس كذلك ؟!

= أجل .. أجل !!

- كام واحد طلب منك شاي زياده وإنت نسيت من ضغط الأوردرات عليك ..

وجبتوهله مطبوط ورماله فى خلقتك أول ما داقه وشمك .. مع إنه ممكن يحط

معلقه سكر لنفسه وخلص ؟!

= كثير يا فندم * بيعيط *

- كام واحد طلب منك كبايه مانجا وجبتهااله .. وبعد كده ندهلك ورمالها فى وشك

عشان مش عاجبه طعمها ؟!

= كٲير .. كٲير * بيعيط *

- إنت مقتنع إن دأما الأخطاء بتبقى مزدوجة .. ومفيش مشكله من طرف واحد ..
يعنى أكيد فى غلط منهم ومنك صح ؟!

= أيوه يا فندم !

- هما بيعملوا كده معاك عشان إنت بتعامله بأوفر دوس ماديات .. فيحس إنه
بيشترىك بفلوسه فاهم ؟!

=

- يعنى كبايه المانجا اللى هو بيعاملك كده بسببها عشان دافع فيها ٣٥ جنيه .. مع
إن ده ٢ كيلو مانجا .. فيتنطط عليك بفرق الفلوس دى .. إنت بتدفع تمنها من
كرامتك وصاحب الكافيه بياخد تمنها فلوس !

= حقيقى * بيعيط *

- إنت فى مجتمع مادى متعفن يا عادل .. عارف لو حسبتله كبايه المانجا ٥ جنيه
؟! .. ساعتها لو إتنطط عليك .. تقوم تحط صباغك فى عينه ولا يهملك !

= حضرتك عندك حق والله متشكر ع نصيحتك جدا .. وهعمل بيها !

- عيب يا عادل متقولش كده إنت أخويا الصغير .. هاتلى بقى كبايتين مانجا بسرعه
!!

=

- كبايتين من أم ٥ جنيه أيوه ! .. وكبايتين ليا لوحده برضه أيوه أيوه !

=

- أصلى بحب المانجا أوى !

= آسف يا فندم .. كبايه المانجا بـ ٣٥ جنيه .. دى تسعيره !

- برضه ؟!! .. طيب ماشي هاتلى كوبايه مانجا وعاوز طعمها ميعجبنيش بقى بدى
أمك !!

نصائح أطفال طيب ؟

= بصفتك أخويا الكبير .. ليه مش بتحكى معايا ونبقى أصدقاء بدل العلاقة المحدوده الى بينا دى؟!!

- عشان ف فجوة تفكيريه كبيره بينا وبين بعض .. انت جيت غلطه .. وساخة بطن .
- وبعدين لسه صغير مش هصاحب طفل يعنى !
= يحسب عمر الإنسان بحسب نضاجه عقله !
- فاكس !

= قشطه هدردش معاك !

- لأ !

= كنت متأكد انك مش هترفض .. تسمحلى أحكيك عن صاحبتى؟!!

- لأ !

= أوك .. الموضوع بدأ فى الكلاس من شهرين .. لأول مرة لقيت نفسى ببص ع البنات وبهتتم بيهم ومنجذب ليهم مش عارف ليه !
- إرفع باطك كده؟!!
= أهو !

- لا قشطه ده طبيعى .. انت بلغت مش أكثر !

= وات ايفر المهم انى انجذبت لـ - آيتن - صاحبتى .. واعجابى بيها زاد فى ظرف يومين !

- هو فعلا ده اسمه ظرف .. هتتظرف انت قريب !!

= لا .. انا خدت الخطوة واشترت ورد .. وقعدت ع ركبتى فى وسط الكلاس ...
وعرض عليها الإرتباط .. وهى حطت ايدها ع بقها وعيقت وحضنتنى !
- حضنتها بعد يومين إعجاب؟! .. دنا هخلص جامعه أهو ومحضنتش أنثى فى حياتى

غير أمك وستك الله يرحمها !

= عملنا ريليشن ع الفيس .. وأونكل باباها عمل ليك وباركلنا !

- أونكل باركلكوا؟! .. دنا فضلت أتصل باللى بحبها أربع سنين من كايينه ميناتل ع

تليفونهم الأرضى وأبوها يسبلى الدين وواقفل وانا فرحان جدا !!

= دلوقتى بروحلها البيت نذاكر سوا ونروح الدروس سوا .. وأرجعها البيت تانى !

- أه زى أحمد صاحبى .. كنت روح أذاكر معاه برضه وابوه طردنى عشان يوفر حق

كبايه اللمون اللى أمه بتعملهانا واحنا بنذاكر !

= بنفكر دلوقتى فى تطور العلاقه للسيكشوال ريليشنز .. بس لسه مستنيين لما نبقى

ناضجين أكثر من كده .. عشان مندمش ع الخطوة دى بعدين !

- سكشوال ريليشن؟! .. أطفال ١٢ سنه وبتفكروا فى سكشوال ريليشن؟! .. دنا

هعدى التلاته وعشرين وبسخن ع مقاطع يوتيوب !

= دلوقتى بنفكر نكتب قصتنا فى مجله المدرسه .. هيبقى اسمها الحب ف ..

- ايوة أيوة .. الحوووب فى زمن الـ... أحه !!

= الحب فى الكلاس !

- ممكن نبقى صحاب؟!!

= هتصاحب طفل؟!!

- يحسب عمر الإنسان بحسب نضاجه عقله ولا ايه؟!!

= هات فيفا زوجى ولعبنى معاك !

- حاضر .. صاحبتك ليها اصحاب بنات؟!!

= كتير وسنجل .. قوم اعملى كبايه لمون ع ما أبدأ اللعبه !

- حاضر !

= مشاوير أمك إنت اللى هتنزل تقضيها بعد كده !

- حاضر !!



بمكتب روايات .. قصص .. شعر أو مقالات
بمكتب عربي أو انجلىش ..
أو حتى بترسم .. تواصل معنا و لهنساعدك
تلاقى مكان لابدياعاتك

تواصل معنا:-

٠١٠٦٧٠٠٠٧٠١

website : www.fasla.org

E-mail -: Fasla.Pub@Gmail.com

[Facebook.Com/Fasla.Pub](https://www.facebook.com/Fasla.Pub)